



ル 5
2537
15



凡805
號2537
卷20-15

日下舊聞卷二十九

京畿五涿州

涿州在府西南一百四十里 明一統志

州東北至幽州一百二十里南至莫州一百六十里 平壤守記

涿州古涿鹿之地 年分尾宿十六度史記黃帝與蚩尤戰于涿鹿之野即此地 同上

涿鹿黃帝所都有蚩尤城阪泉黃帝祠 帝王世紀

涿水東北與阪泉合其水導源縣之東泉魏土地記曰下洛城東南六十里有涿鹿城城東一里有阪泉泉上有黃帝祠晉太康地理記曰阪泉亦地名也泉水東北流與蚩尤泉會水出蚩尤城城無東面魏土地記稱涿

日下舊聞

卷二十九



鹿城東南六里有蚩尤城泉水淵而不流霖雨并則流

注阪泉亂流東北入涿水 水經注

州因涿水而名以水中嘗出此豕也城周九里形如凹

字相傳顓頊時所築 名勝志

涿流 于滴也 說文

涿水出涿鹿山世謂之張公泉東北流逕涿鹿縣故城

南王莽所謂禡陸也黃帝與蚩尤戰于涿鹿之野留其

民于涿鹿之阿即於是處 水經注

涿郡南有涿水北至上谷為涿鹿河其支流塞外謂之

涿耶水 十三州志

舜分十二州為幽州地禹貢冀州之域 太平寰宇記

涿鹿於周官幽州之域也 帝上世紀

春秋戰國時燕之涿邑 清類天文分野之書

秦滅燕以其都及西境為上谷郡地漢高帝元年項羽

入關又立燕國封臧荼為王三年韓信用廣武君策發

使于燕燕王臧荼降五年反漢誅荼立盧縮為王六年

分燕置涿郡領縣二十九理此 太平寰宇記

州治創自漢盧縮 名勝志

涿水東北逕涿縣故城西流注于桃應劭曰涿郡故燕

漢高帝六年置其南有涿水劭又云涿水出上谷涿鹿

縣按涿水自涿鹿東注濕水濕水東南逕廣陽郡與涿

郡分水漢高祖六年分燕置涿郡涿之為名當受涿水

通稱矣 水經注

琴高者趙人以鼓琴為宋康王舍人行涓彭之術浮游

冀州涿郡間二百餘年後辭入涿水中取龍子與弟子
期之曰皆潔齋候于水旁設祠屋果乘赤鯉來坐祠中
旦有萬人觀之留一月餘復入水去列仙傳

琴高既仙去設祠奉之時乘赤鯉來享神仙傳

莽曰垣翰為幽州漢書注

桃水東北與洹水會水上分涑水於良鄉縣之桃水世

謂之北涉溝故應劭曰洹水出良鄉東逕垣縣故城北

史記音義曰涿有垣縣漢景帝中元三年封降王勝為

侯國王莽之垣翰亭也水經注

後漢安帝以涿郡屬幽州郡理涿縣清類天文分野之

魏黃初七年文帝改為范陽郡以漢涿縣在范水之陽

取以為名以此地追封武帝子矩為王太平寰宇記

易水逕出范陽縣故城秦末張耳陳餘為陳勝畧地命

燕蒯通說之范陽先下是也水經注

晉武帝泰始元年又改為范陽國封宣帝弟旌子綏為

范陽王太平寰宇記

旌字季達兄弟俱知名故時號為八達魏魯相東武城

侯康王綏字子都初為諫議大夫泰始元年受封在位

十五年咸寧五年薨子旆立晉書

桃水東逕涿縣故城北王莽更名垣翰晉太始元年改

曰范陽郡今郡理涿縣故城城內東北角有晉康王碑

城東有范陽王司寇旆廟碑水經注

旆字武會少好學馳譽研究經紀清辨能言論以宗

選拜散騎常侍累遷尚書出為安南將軍都督豫州諸
軍事持節許昌進位征南將軍惠帝西遷熈與從兄平
昌公模長史馮嵩等刑白馬歃血而盟推東海王越為
盟主熈都督河北諸軍事驃騎將軍持節領豫州刺史
劉喬不受越節度乘虛破許熈自拔渡河王浚表熈領
冀州刺史資以兵馬熈入冀州發兵又南濟河破喬等
於是奉天子還都拜熈為司徒永興三年暴疾薨年三
十七無子養模子黎為嗣黎隨模就國於長安遇害
晉書

光熙元年五月范陽國地燃可以爨此火冷土也
晉書

五行志

永嘉之亂郡陷于河北其間建置莫能詳悉
太平寰宇

元魏復為范陽郡
清類天文分四 八書

永安三年移置平州於此
魏書志

盧文偉善營理家素貧儉因此致富北方將亂文偉積

稻穀于范陽城多所賑贍彌為鄉里所歸及韓樓據薊

城文偉率鄉閭守范陽樓平除范陽太守
北史

北齊天保八年議徙冀定瀛無田之人謂之樂遷於幽

州范陽寬鄉以處之
隋書食貨志

北齊惟領涿迺范陽三縣後周省迺縣領縣二
太平寰

字記

周宣政元年幽州人盧昌期祖英伯等聚眾據范陽反
詔宇文神舉率兵擒之齊黃門侍郎盧思道亦在反中

賊平見獲解衣將伏法神舉素欽其才名乃釋而禮之
即令草露布 後周書

隋開皇初改范陽縣為迺縣隸昌黎郡又于古迺城別
置范陽郡領涿范陽二縣二年罷郡移涿縣入郡故縣
為幽州大業三年以幽州為涿郡縣仍屬焉 太平寰宇

記

唐武德元年廢涿郡復為幽州之屬邑七年改涿縣為
范陽縣大曆四年幽州節度使朱希彩奏請于范陽縣
置涿州仍割幽州之范陽歸義固安三縣以隸之屬幽
州都督府領涿五范陽固安歸義新昌新城 太平寰宇
記

遼神册六年十二月太祖圍涿州有白兔緣壘而上

破其郭 遼史太祖紀

五代石晉割地賂遼州名如故尋置永泰軍 清類天文
分野之書

契丹於開寶七年涿州刺史耶律琮以書遺雄州孫全
興願講好于朝廷八年遣欵附使克沙骨慎思奉書來
聘自是乃通使矣 職官分紀

雍熙三年三月辛巳曹彬克涿州乙酉曹彬敗契丹于
涿州南殺其相賀斯 宋史本紀

宋宣和四年金將郭藥師以州降賜郡名曰涿水升威
行軍節度 宋史志

金仍為涿州 方輿紀要
涿州昔為契丹南寨邊城樓壁俱存及郭藥師舉城內

屬不經兵火人物富盛川邑繁華近城有涿河劉李河合范河東流入海故名范陽許奉使行程錄

元太宗八年為涿州路中統四年復為涿州元史

至治二年九月作層樓于涿州鹿頂殿西元史英宗紀

明并范陽縣入州清類天文分野之書

今之州治本燕之涿邑漢置涿縣為涿郡治魏晉以後

范陽郡國皆治焉後魏孝昌三年上谷賊杜雒周南趣

范陽幽州刺史常景破之隋廢范陽郡縣屬幽州唐武

德七年改涿縣曰范陽寶應二年史朝義敗走范陽縣

其將李懷仙遣兵拒守朝義至不得入大曆四年幽州

帥朱希彩復奏置涿州於此方輿紀要

涿州一明景泰初知州事黃衡始甃以甃石垣高四十

尺基之廣倍之方各有門門有樓前曰迎恩後曰通濟

左曰進德右曰積慶舖舍三十二女牆一千八百三十

隍深十尺廣倍之城之中有夾城如人之束帶中有券

門曰通會上有重樓三楹左鐘右鼓以啟晨而警夜嘉

靖乙巳知州何鎮所修殷謙為作記涿州志

通會在郡中上有庭堂幕次左鼓右鐘於以安民警盜

春秋降雨郊原隴畝濃雲密靄一望不分郡中之佳景

也涿鹿記

蘇子由為賀遼生辰國信使在元祐四年八月子瞻有

詩送之既至國人每問大蘇學士安否子由經涿州寄

詩曰誰將家譜到燕都識底人人問大蘇莫把聲名動

蠻貊恐妨他日臥江湖子瞻得詩次韻云羶毳年來亦

甚都時聞鳩舌問三蘇那知老病渾無用欲向君王乞
鏡湖聞曩時有刻石于使館者今無存矣 辛齋詩話

王安石涿州詩涿州沙上飲盤桓看舞春風小契丹

塞雨巧催燕淚落濛濛吹濕漢衣冠 臨川集

汪元量涿州詩盧溝橋下水泠泠落木無邊秋正清
牛馬亂鋪黃帝野鷹鷂高磨涿州城柳亭日射旌旗
影花館風傳鼓吹聲歸客偶然舒望眼酒邊觸景又
詩成 湖山類藁

何中涿州道間雪霽作昨日飯良鄉今指涿州城此
路有終去安能緩車聲平野散寒景流輝起浮英濛
烘遠樹密落削僵柳明殺癩共鴉收團瓢忽雞鳴殊
方雪初霽余抱孤賞情胡爾同車人苦云路難行 知

赤堂藁

棋工奇涿州行四郊茫茫沙草白青山迢遙亘西北
涿州百里近都門北來南去無晨昏道邊郵亭連古
堠時平不置官軍守土墻茅屋盡耕屯半挿青帘賣
新酒牛車鱗鱗衝早寒爭先豪結輸縣官少年家家
便騎射雉兔如林不論價由來意氣傾山

逢肯相借伐石爲碑記古人淒涼遺刻百年存摩挲
三嘆憶盛德路人爲指樓桑村 東里集

劉溥賦得涿鹿送丘伯純作平生愛訪古走馬游四
方金臺南去百餘里乃是涿鹿古戰場軒轅騎龍上
天去鼎湖何處秋茫茫蚩尤死後幾千載青山蜿蜒
至今在當時妖霧久銷沉空餘易水東歸海海水變

桑田天地幾翻覆龍爭虎鬪且莫論卷起飛塵縱雙
目三晉在西秦在東北京正在天之中金樓玉殿仰
頭看日月照耀開鴻濛萬國朝宗必經此昇金載玉
何匆匆紫荊崔魏鴈門固寒斷蕃兵往來路一錐孤
塔河間城千仞層冰海邊戍下馬促沽酒洗我磊落
懷扶桑蠹天起秦華隔雲排手攀北斗發長嘯鳳凰
飛上青雲叫酣來道上送歸人借問歸人可同調官
亭齊和遠游篇燕姬嬌笑弄鵲絃不將寶劍舞秋月
且贈珊瑚白玉鞭

草廳集

黃仲昭曉次涿州作青山冉冉夕陽浮綠樹微茫見
涿州白鴈聲寒燕寒晚丹楓葉落薊門秋漁舟蕩漾
歸沙浦畫角淒涼起戍樓黃帝蚩尤征戰地眼前羸

得水東流

未軒集

何景明涿鹿道中作高城鬱莽蒼永路多荆棘日氣
夕以陰游氛浩無極城邊古時丘宿草蔓于域樹木
何蕭蕭狐狸鳴其側訪古思軒轅欽盜何由陟伊昔
奮龍戰明明庶邦式神馭飄揚湖鳥號緬元德遺蹤
邁荒野盛烈存茲國誰云戡亂功不俟干戈力風雲
變俄頃明晦固難測薄暮窮林中怒焉長太息

大復

山人集

周廷用涿鹿道中作涿鹿雲黃草樹深燕京風物畫
套陰河山尚擁軒皇陣臺榭虛憐郭隗金雨過涼生
向鳥喚天低日落暮蟬吟腐儒未有干時策敢向泥
塗嘆陸沉

八厓集

李瓚次涿鹿作故鄉杳不見歸路亦沾巾匹馬燕山
外孤城涿水濱鶯花從客久風雨渡河春底事南亭
柳璠璠青向人珠樹館集

州治在城東南隅涿州志

劉懿無訟堂記大德辛丑大邳葛侯叔茂來為州牧
扁其廳事曰無訟涿為天下局闡觀獻京師者咸取
路焉歲時迎餞民役繁劇為最牧守必才能者任之
侯下車首建斯堂蓋有志乎民者也同上

州儒學在州治西南創于唐建中間金元因之明正統
元年知州朱巽修之金問為作記隆慶辛未知州沈坤
復修之申時行為作記同上

范陽郡新置文宣王廟碑韋稔撰文張澹行書貞元五

年二月立在今涿州金石文字

唐韋稔涿州新置文宣王廟碑天下郡縣悉有文宣
王廟而范陽郡無者何范陽本幽之屬右碣石左督
亢流水經其前後有林麓陂池之利至於闔闔井肆
之大關梁襟帶之固自河達燕其比不過一二先朝
次列縣之級第為望領戶萬流庸附占者如之兵興
人拊茲又獨阜且倍幽之南百里而遙居鄭之陰二
百里而近磅礴周廣隱然名區大曆初詔割幽之范
陽歸義固安為州因涿郡之地題為涿第為上以范
陽為治所縣遂為州治矣然此為邑者率以多故未
遑建置春秋釋奠蓋伺州之已事假籩豆寄升降於
故階迨今幽州盧龍節度觀察等使工部尚書御史

大夫彭城劉公建中初假道州縣操長是邑觀茲遺
闕喟然嘆息顧其寮曰學所以知君臣父子之義者
昔在三代皆鄉里有教兩漢以降罔不述用三德矧
今朝廷頒宗祀之詔郡縣畢置清廟溥崇明祠今州
廷大張縣署悉陳而至聖先師特享無所豈導人重
道之意乎彼劉琨創祭器爲禮范甯養生徒興化皆
所以達萬類而朝宗至禮也吾宰三百里作人父母
必權輿斯廟以爲人紀乃視縣前近里之爽塏心規
其制口劃其地廣狹之量平廬舍之區發其居人直
以官俸給於瓦木丹鐵之費匠人作徒之要又以家
財散之人不知役廟條云構聖賢之像備饋奠之器
其庭除肅然黎元翕如皆不待施而悅不待教而變

於是置食錢二百萬徒三千員洙泗之風集於暮月
時公年始弱冠方剛之日克明古訓君子是以知公
奉若典謨其將來者大矣令廣平宋駿方介直之士
也倚法不削憂公如私以能名自薊縣而來遷政率
由舊履公之躅守而勿失觀公之爲政而不及學舍
異文翁之後罔或繕修琴堂挹子賤之風恒餘跼蹐
歌詠不足願言發揚見求微詞以載貞石其所書者
止於邠州置廟之實卽夫子懋緒隆德蓋存諸史冊
且溢於古人之口豈余頑童敢記頌焉銘曰振頽周
室警寐殷楹曠千百年炯作世程大唐御極治致昇
平六五函三是孰與同聖王旣興夫子乃貴苴茅列
爵建廟崇位蘋蘩截海壘贖革思春誦夏絃於焉辨

志惟范之陽巍巍建邑朝命有作州廷乃立廟革新
題堂升故級縣家寄奠生徒罷習崇崇大賢昔歲臨
茲匪頒勞役克就嚴祠美矣像設森然具儀風化之
源一至雍熙斷斷伊人格居所職食蘖苦志戴星任
力瞻我宏規闡我明德爰琢琬琰阼階之側

石志

吉金貞

金黃久約涿州重修文宣王廟碑記范陽舊有夫子
廟在城東南唐貞元五年盧龍節度劉公所建遼統
和中始移置於此年禩絲遠將就傾圯前爲守者非
無意於更新徒以州治當南北之衝四方行旅取道
往來十率八九使客冠蓋旁午晨夕疲於應接又案
續簿書視他州爲繁日不暇給故視以爲餘事大定

二十三年冬汾陽郭侯預自尚書郎出殿是邦下車
之初以令從事伏謁祠下旣而周覽庭宇憫其敝陋
愀然變容退而嘆曰爲政之先獨不在於斯乎矧聖
天子在上闡爛文緝墜典凡所以尊禮先儒誘進多
士纖微畢舉發於誠心而州近在畿甸之內迺不能
助宣風化况踈遠者哉於是命工繪圖亟議改築計
所當費約用錢二十餘萬卽日移文計司久乃得報
減三分之一止得其一旣不足於用方左籌右度未
有以爲計其僚有顯武將軍梁儼先者爲主倉庫官
毅然以身任其責造黃堂而請曰儼先里人也上世
以儒學取科名享爵位小子不肖亦幸賴先人餘蔭
入官秩登五品迹所由來非治心行已仰遵先師遺

訓何以臻此今廟在鄉里廢毀如是貽使君憂心實
耻之願因斯時會里中一二大姓及子弟之業儒者
各出私財以佐用度侯聞其言而義之卽爲割月俸
并諸贖錢盡付之授之以成須厥效於後起二十五
年夏四月二十日癸丑訖五月八日庚寅總爲屋十
有八楹制度小大廣狹悉因其舊椽棟之腐撓者撤
而易之垣墉之頽靡者築而起之階阼之缺罅者甃
而完之薶薶荒翳塗穢漫漶中奠廟室旁列東西兩
序以達於大門庖廩齋舍各有次第皆備無缺工募
於民厚與之直役大則用胥靡之徒豐其飲食皆不
戒而勸舊圖六十二從祀弟子及前代名儒之像於
殿壁十哲塑像之後則改繪於兩廡諸費除官給外
獨用錢四十餘萬皆出於衆人之樂輸非有所畏迫
勉強而然者落成之日公私改觀父老稱贊咸謂不
有刊勒何以視久遠侯乃遣人走京師遺書故人須
寫黃久約爲記而系之以銘銘曰卓哉素王百世之
師出逢周衰大道蔽虧立言著行是訓是彝有國有
家政行令施祇率軌範永作表儀生爲至人沒而嚴
祠衮烏煌煌巍然而離春秋奠薦著令攸司范陽遺
宮有年於茲日毀月壞風雨弗支郭侯下車經之營
之去故取新付託疇咨允毅梁君造請以辭願幹葺
事惟公之爲市財傭工費鉅不貲弗足於公競捐其
私屹然崇成會靡愆期學者用勸祀事以時之德之
功去益見思後來之人尚敬勿墮

涿州志

元蔡欽涿州重修孔子廟碑皇元受命首重斯文允
嚴祀典天下郡邑許建廟學追王者之封加大成之
號其崇奉之道至矣涿古之名郡城之異隅故有廟
學自唐貞元歷今大定興建顛末先儒石刻俱有可
徵至元二十一年御史趙天爵按部至州憫其荒陋
割月俸倡率郡寮因故基創建殿宇翰林侍讀學士
李公謙已嘗文諸石樹於廟廷迨今幾六十年繇歷
歲久而墜塗剝落梁棟腐敗弗蔽風雨州治路當南
北輻輳之衝使賓旁午朝迂暮送事急政繁未遑葺
理至元庚辰東安張珪以蔭補官由大寧簿來判是
州視政未幾總府聞其才幹選徵赴都命主郡牧芻
藁出納有方秋毫無犯事竟還州拜謁宣聖廟廷

其傾圮慨然興嘆日勵學者善教化正羣倫人材傑
出首善之地國家之所崇奉致有崩摧瀆神莫甚焉
知斯州者不得不任其責於是謀于監郡忽林赤同
知州事禿魯沙幕賓呂忠王元孝以暨范湯屬官監
邑令簿咸悅茲舉各捐已俸以倡於首郡之文儒衆
吏多士秀民間風慕義樂輸私帑雲集影從翕然助
之保定張德輝博文碩儒適主郡校始終共役凡木
石瓦甃之用悉酬之以善價至於民傭匠藝之工亦
皆給之以厚值會計所費餘數千緡一毫未有擾於
大農者卽涓吉日率作興事檟題楠棟朽者撤而易
之罅者補而完之傾圮者正之漫漶者飾之殿制巍
然宏敞壯麗十倍前規經理聖門賢廡講室齋厨次

第一新非復疇昔之可比也繼而房山王慶來賓州
幕展禮庭下覩其廟貌尊嚴甚稱敬仰然而傳道先
師配享位列尚或失序其於奉祀之禮情文不能無
相戾者乃遵成憲捐金募匠增塑廊公沂公之容收
飭復聖亞聖之像歲春秋月旦望獻享釋籩豆之列
升降之儀修舉是役也經始于至正辛巳之秋畢成
於壬午之夏釁岬禮成校官張德輝偕幕官張鵬翼
行安陸府教授郡儒王良所狀興造之蹟謁文於欽
以誌歲月欽謝不敏其請益堅謹撫其實而謂之曰
廟學廢興固其時也亦在守土之官嚮意與否耳方
今之軌渾同皇仁一視惟務博選賢良以充守令期
布宣風教興學養士變革民俗以底雍熙之治今刊

官張侯職居倅貳能以斯文爲已任其用意有過人
者幕官王君秉心樂道繼成善績矧其寮屬又皆卓
越之才炳炳相望契會一時恪勤官次不負委任深
體聖上崇儒重道之意雖王事鞅掌簿書期會之煩
而拳拳於風化之源振弊改作同濟事功爲悠久之
計觀政於斯可謂知所先務矣昔漢唐文翁常衮之
化何以異於是故爲一言以叙作新梗槩以爲後來
師帥於民者勸銘曰大哉孔子垂教無疆百王軌範
萬世綱常堯舜文武祖述憲章漢唐而下歷代褒揚
聖皇御極化被遐荒訖武宗文吾道彌彰加號大成
誕告多方添設廟學肇於有唐金源作新記石載詳
至元重建經歷星霜剝落墜塗腐撓棟梁葺理興思

前政靡遑張侯至止顧瞻彷徨愀然改容既懼且懼
亟謀敬修僉言允臧悉捐俸金輦木陶甃郡耆士民
樂輸贊襄補鑄易壞榱桷斯印屹然邃宇崇彼穹蒼
王君繼至樂道心良交邨沂鄒配享升堂於穆睟容
冕服煌煌春秋釋菜宮懸樂張禮器嚴陳牲幣芬菲
肅儀獻酌逢掖踰踰通祀罔極亦孔之光美矣儒風
隆哉郡庠學者趨向日就月將宏構落成咸歌循良
鑿石勒銘永紀不忘

華陽臺在州城內西北隅同上

舊傳燕丹與樊將軍置酒華陽館出美人奇馬卽此處
長安客記

荆軻與太子游東宮池軻拾瓦投龍太子捧金丸進之

又其乘千里馬軻曰千里馬肝美卽殺馬進肝太子與
樊將軍置酒于華陽臺出美人能鼓琴軻曰好手也斷
以玉盤盛之燕丹子

崇元觀在涿州治北明一統志

智度寺在城東北隅勅自唐時有舊碑刻其後卽雲居
寺俱有石基浮圖各勝志

魏允中九日陪王郡判登涿州智度寺塔作悲風涿
鹿散吹笳寶剝凌空貯法華杖履天人穿百燈樓臺
畿甸俯千家登高興好難逢菊懷土愁深已及瓜最
是大夫能作賦山川搖落不須嗟伯仲連璧集

紫陽觀在州城內唐邊洞元修真于此白日上昇元宗
御製褒詞立碑各勝志

范陽鳳池院尼童子年未二十濃艷明俊頗通賓游創
作新眉輕纖不類時俗人以其佛弟子謂之淺文殊眉
清異錄

昭祐靈惠公廟在州城東南隅涿州志

元夏以忠昭祐靈惠公廟碑記涿郡城東南隅有古
塚歸然世傳以爲清河張公之墓公諱秀仕唐爲馬
軍兵馬使司寇大將軍檢校太子詹事安東副都護
兼御史中丞郡人麗其塋而祠之目曰金甲將軍歲
致祈禱尚矣又云墓嘗圯得金明昌六年刻紀後
漢將軍沒於是邑而塋焉其稱清河則一而或漢或
唐則異圖牒湮廢莫決其孰是孰非也天曆年間近
關不守已而嬰城得全人指以爲神之功有司白於

上始封爲靈惠侯乞靈者日益廣神異亦日昭著不
可殫紀至正十九年己亥春妖寇侵軼畿甸京師戒
嚴徵調方殷遠邇騷動時諸將貪暴師冗無律數百
里內掠人爲糧郡邑率自殘毀惟涿未破監將矯命
利其有以三月戊午遽入據之民之膏其鼎鑊者日
以千百計居十有五日而去人咸謂非神陰遣之必
靡有孑遺矣請增秩於有司以答其貺命未及下諸
軍之接壤而屯者相比歲饑餽餉不繼將以兵叛冀
飽於涿者非一日明年庚子四月己巳城陷雖晡至
夕迺然剽掠焚蕩僭甚驅以負荷者男女無筭又將
割烹之莫不露禱祈善返越三日歸者餘五百人又
以爲非神之力不及此申前之請益虔中書下其議

太常遂加昭祐之號而易爵以公命下郡人割牲醢酒以告范陽尹鄭公侈其事屬命記之且曰吾赤子幸存神賜也嗟夫天地儲精得五行之秀者爲人其有聰明正直卓然不同於流俗者則能立功名於當世垂事業於方來故其歿也則爲明神漢人所謂生封侯死廟食者是已且人之以禍福聽於神者亦哀世之志也天道福善禍淫神豈能私予奪於其間哉因其有神而禱之尚足以繫其遷善悔罪之心庶幾率德改行焉爾祭法曰能禦大災者祀之能捍大患者祀之公之血食於茲土也非所謂能禦大災捍大患耶聰明正直固不容以小智窺之矣雖然神依人而依者也向使顛連無告祈哀於迫切之際而不因

有以全之則將死徙無遺又何以得今日齋明盛服以承祭祀如此其嚴乎鄭君大庸欲誌之於不朽者豈徒以揭其報貺之虔殆著其民前日之感而勸其民後日之無或怠也予前掌教於郡悉其顛末故次第其事而書之

同上

城東三里普壽寺浮圖高十丈石基高二丈周圍二百步涿郡山川之勝一覽俱在目前

名勝志

盧栢故宅在州東十五里地名盧家灤土壤肥饒子孫世居焉

同上

盧氏姜姓齊文公子高高孫僎食采于盧濟北盧縣是也其後因以爲氏田和篡齊盧氏散居燕秦之間秦有博士放子孫家于涿水之上遂爲范陽涿人裔孫植子

毓三傅生諶諶五子塲居巷南號南祖偃居北號北祖
唐宰相世系表

涿州舊有塔在桑乾河中名鎮河塔嘉靖元年塔崩內
有古錢皆飛空如蝶自後河水不時汎溢 長安客話

嘉靖元年涿州修村塔倒內有古錢皆飛空如蝶塔在
桑乾河中俗謂之鎮河塔塔壞河不時汎溢 燕山叢錄

督亢陂在幽州范陽縣東南十里逕五十餘里 括地志
方城有督亢亭 郡國志

督亢膏腴之地 劉向別錄

督亢溝上承涑水于涑谷引之則長潭委注過之則微
川輟流水德舍和變通在我東南流逕迺縣北又東逕
涿縣鄴亭樓桑里南 水經注

督亢澤苞方城縣故屬廣陽後隸于涿郡郡國志曰

縣有督亢亭孫暢之述畫有督亢地圖言燕太子丹使

荆軻齎入秦秦王殺軻圖亦絕滅地理書上古聖賢冢

地記曰督亢地在涿郡今故安縣南有督亢陌幽州南

界也風俗通曰沆漭也言乎滂滂漭漭無崖際也沆澤

之無水斥鹵之謂也其水自澤枝分東逕涿縣故城南

又東逕漢侍中盧植墓南 同上

督亢之田在燕東甚良沃欲獻秦故畫其圖而獻焉 史記索隱

盧文偉說刺史裴儁案舊迹修督亢陂溉田萬餘頃人
賴其利儁修立之功多以委之 北史

裴延儁轉平北將軍幽州刺史范陽郡有舊督亢渠徑

五十里漁陽燕郡有故戾陵諸堰廣袤三十里皆廢毀多時莫能修復時水旱不調民多饑餒僞謂疏通舊迹勢必可成乃表求營造遂躬自履行相度水形隨力分督未幾而就溉田百萬餘畝為利十倍百姓至今賴之

魏書

盧宗道性麤率將赴營州於督亢城坡大集鄉人殺牛聚會有一舊門人醉言踈失宗道令沉之于水後坐酷

濫除名 北史

齊孝昭皇建中平州刺史嵇暉建議開幽州督亢舊陂長城左右營屯歲收稻粟數十萬石北境得以周贍

隋書食貨志

督亢陂在范陽縣東南十里郡國志云陂見有海龍王

神祠在焉 太平寰宇記

陂舊有亭遺址高丈餘周七十步土人掘其處尚多古瓦礫金錢

長安客話

亭南有月池廣三頃其形如月

方輿紀要

月池在郡西南二十里約數十源泓以成溪灣以成池斗折蛇曲穀迴輪轉清瑩洞徹每秋清氣爽菱荷盛開鷗鷺浮沉錦鱗游泳可謂游觀之盛所矣

承鹿記

柳河在州南南務里泉四時不竭

涿州志

涿州境東南有漢盧植墓土人呼為南臺金王寂詩南臺故址今頽然漢盧植墓疑相傳植涿人先主嘗從受學者也

長安客話

盧植以初平二年卒臨困勅其子儉塋于土穴不用棺

日下舊聞

卷二十九

郁附體單帛而已建安中曹操北討柳城過涿郡告守令曰故北中郎將盧植名著海內學爲儒宗士之楷模國之楨幹也昔武王入殷封商容之間鄭喪子產仲尼隕涕孤到此州嘉其餘風春秋之義賢者之後宜有殊禮亟遣丞掾除其墳墓存其子孫并致薄駁以張厥德後漢書

范陽陂在范陽城西十里方一十五里俗亦謂之爲鹽臺陂水經注

范水在州南自易水涑水縣流入境下流合于巨馬河方輿紀要

范水在州西南水北曰陽范陽郡名以此名勝志

范村在州西南宋宣和四年童貫伐遼至高陽關遣种

師道總東路兵趨白溝辛興宗總西路兵趨范村旣而興宗至范村爲遼人所敗方輿紀要

武遂津北對長城門謂之汾門史記趙世家孝成十九年趙與燕易上以龍兌汾門臨樂與燕燕以葛武陽平舒與趙卽此也又謂之梁門易水東分爲梁門陂在范陽城西南十里元混一方輿勝覽

范陽粉水口有一墓石虎石柱號文將軍冢晉安帝隆安中間丘南陽將塋婦于墓側是夕從者數十人皆夢云何故厄人以自安覺說之人皆同雖心惡之耻爲夢廻及塋但鳴鼓角爲聲勢聞墓上亦鼓角及鎧甲聲及至墓死于墓門者三人卽殮之後閭丘爲楊佺期所誅人以爲文將軍之崇太平廣記

按粉水不見地志諸書疑卽汾門之譌
故廣陽國城漢置今廢故城在今范陽縣西南太平寰宇記

廣陽城在州西南十五里後漢封劉良於此涿州志

昭烈帝廟在樓桑村建于唐乾寧四年金永安初重修黃華老人有記明洪武初更新之至弘治二年知州事

張遜重構殿三楹旁翼二配殿同上

樓桑里劉備之舊里也水經注

漢昭烈宅在涿州樓桑村昭烈在民間所居有桑層蔭如樓因曰樓桑今尚在其下留題甚多燕山叢錄

涿州之涑水道中有大桑樹高十餘丈蔭百畝云卽昭烈舍前之桑也自漢及今千五百年矣而扶疎如故且

其樞視常桑倍大士人珍之以相餽遺云余按蕭道成所住宅亦有桑樹高三丈許狀如車蓋道成好戲其下兄敬宗謂之曰此樹爲汝生也今宅既灰滅而桑之有無亦無人能知之者信乎在人不在物也五雜俎

樓桑村在涿州西南十五里云是漢先主故宅村故有三義廟祀漢先主而以關壯繆侯羽張桓侯飛配焉長安客話

先主少孤與母販屨織席爲業舍東南角籬上有桑樹生高五丈餘遙望見童童如小車蓋往來者皆怪此樹非凡三國志

涿人李定云此家必出貴人漢晉春秋
先主少時與宗中諸小兒於樹下戲言吾必當乘此羽

豫蓋車叔父子敬謂曰汝勿妄語滅吾門也三國志
鸞先主廟碑唐郭口撰正書乾寧四年立石今在涿州
樓桑村廟中文已剝蝕金石文字記

金王庭筠涿州重修漢昭烈帝廟碑記仁者未必成
功成功者未必仁仁者之心以仁仁天下不仁者之
心以仁濟其私故善論人者論其心之何如而成敗
不與以仁濟其私者發於其言見於其事亦仁也蓋
竊仁以欺天下夫竊仁者是有大不仁根著於心然
竊仁易窮也而根著於心者卒不可掩天下之人莫
不腹詈臆唾雖一時成功旋與草木同腐矣仁者之
心不以其身其家而以天下故天下之人亦相與謳
歌戴仰願以爲君雖生無成功天下之人莫不天息

至後世猶喜稱道精爽在天能推其仁心用之不已
施之不竭呼吸而雲雨咄嗟而風霆咫尺萬里朝夕
千載此理之自然無怪者先主仁人也當陽之役不
以身而以民永安之命不以家而以賢雖不能如其
言要之其心如是而已有厚愛天下之心必饗天下
之報至今天下之人猶嘆息其無成而喜稱道之涿
之人又祠而奉之宜哉涿先主之故家也廟距州西
南十里而遠庭有石乃刺史婁君延重修記唐乾寧
四年也則血食於此舊矣歲久屋老纔庇風雨今年
夏四月里民始議增葺於是富者以資巧者以藝少
者走以服其勞老者坐以董其功稍完治中堂新作
門屏又作兩廡配祀元臣諸葛孔明關雲長法孝直

在東龐士元張翼德簡憲和在西既成具興廢歲月
乞文於庭筠將以刻諸石庭筠曰五季兵火之餘室
廬焚蕩殆盡而廟貌巋然獨存悍夫暴客過堂下歛
兵肅跪不敢犯則其仁之入民深矣大哉仁乎蘊之
於心充於天地被於萬物益有不與死而俱亡者幽
而爲神其遺澤殘烈施及天下後世以達其生平未
厭之心必矣豈獨私乎一鄉哉祠而奉之者特其鄉
人之情耳庭筠既書其事復作歌遺之使迎送神佐
其鼓舞以樂之其辭曰舜禹不可作兮古猷日潰盜
取盜守兮恬不怪仁人起兮力砥其廢志天下兮豈
獨爲漢計大統未一分時已逝奄爲神明兮陟配上
帝何紓我憂兮仁及異世彼曹丕兮死爲妖彗握

缺兮載芟載剝燕山之陲兮范水之裔平陽如砥兮
惟神之豐沛鬱童童兮羽葆蓋悵籬樹兮今安在記
兒時之舊事兮想亦爲之一愾神之去來兮蒼虬翠
駟粲華裾兮鏘鳴玉佩緇瑟而吹簫兮紛羣音之繁
會牲肥酒香兮神其飫醉來雲席帟兮回風滿佈將
而送兮百拜民不忘兮遺愛驅螟蝗兮疫癘時雨賜
兮屢歲俾富康兮耆艾民德神兮事之無替吉金貞
石志

郝經書黃華涿郡先主廟碑陰作稱道孔明獨有杜
少陵論著昭烈復見王黃華君臣一體始無媿蜀相
祠望樓桑家昨因應詔過燕南青林一簇啼鴛鴦簫
鼓寂寞村社散廊廡慘淡昏龍蛇西南一碑刻蒼玉

每讀輒止驚咨嗟磊落一片恢復心始終于仁無少
差當陽之言永安命三代聖王何以加仲謀雄畧祇
僭偽阿瞞詭譎空姦邪論議到此真不欺文采綯縛
森芳葩書法二王作真行得意頗勝如時花歌謠慷慨
燕趙義士風但恨不能完漢軍敗崩三巴百匝細
讀立復坐不覺午日傾簷牙傍徨欲去不忍去饑馬
更繫枯荆楂東夷何以得此人口出之國王氣韜朝
霞滅遼服宋帝諸夏禮樂制度無疵瑕家世章廟布
衣臣貴胄鼎族來幽遐春深徑渡鴨綠江太行山巔
高挂浮海槎風流儒雅冠當代碧雲玉樹峩烏紗漢
魏以來無此作作詩爲向諸生誇陵川集
郝經涿郡漢昭烈皇帝廟碑涿郡爲昭烈帝里故其

廟祀尤盛涿故燕國古多豪傑之士歌謠慷慨借交
報讐遺風尚存每言曹魏篡漢之事莫不欲歔流涕
想見昭烈君臣之父子故其祠下拜謁而致奠者朝
夕不絕其歲時祀事合沓走集不遠千里指示樓桑
故居彷徨不忍去廟在涿郡南十里正近自隋唐五
季遼金以來皆卽故居代爲增葺其正殿當中山靖
王之後昭烈像設袞冕南向其佐命將相則列于兩
廡左則諸葛亮龐統法正許靖右則關羽張飛趙雲
馬超位序崇敞有法制焉廟故有碑金翰林應奉王
庭筠詞推明昭烈之志論議文采近世所無然猶題
爲先主名號有未正焉按春秋左氏傳稱先主者大
夫稱其先大夫之辭生則稱主沒則稱先主非帝王

之號也魏晉私計以昭烈父子爲僭僞故稱蜀不稱漢以昭烈爲先主安樂爲後主至陳壽作志卽以漢與魏使昭烈父子與劉璋共爲蜀志其後著書者皆以魏爲正統惟宋司馬光更蜀爲漢初曰漢中王卽位曰漢主崩則曰漢主殂追稱則曰漢昭烈帝而亦不以正統歸之至建安朱熹始奪黃初之統以章武繼漢焉或者又以爲族屬踈遠不能紀其世數名位猶宋高祖稱楚元王後南唐烈祖稱吳王恪後此又從而爲之辭者也後世之致疑未若孔明之傳信曰將軍旣帝室之胄信義著于天下又曰霸業可成漢室可興爲帝胄使興漢室當是之時莫不以昭烈爲漢帝曹氏爲漢賊豈至于後世而欲以一己之私反之哉故正其名號曰漢昭烈皇帝榜其殿而系之以詩曰高祖造漢拯民塗炭世祖戡難民適思漢兩邨二祖垂四百年昭烈之興死灰復燃難于二祖白折不沮倉皇奔走衆纔一旅豈悌仁厚民心是歸必得國士乃可有爲旣挾熊虎復起臥龍電掃漢南雷震江東賊操扼吳據有梁益遂取漢中興王立國高皇之起始實在此拓定中原貽于孫子漢賊不並顧豈偏安丕豈其敵誅讐弗難天不假年僨軍崩殂不能致討還于舊都顧命孔明伊周之事不私其子天下大計琅琅格言最以爲善三代君臣乃今復見宗臣流涕效死出師游魂佞鬼折敗不枝噉噬返照有光屬天旣絕之統復一再傳三君一仁三起三滅廟食

帝里至今不絕燕山之陽涿水湯湯篤生異人復一
高光杜鵬不來桑猶在寢刻詩廟門萬世是論同上
王寂涿郡先主廟詩當年竹馬戲兒曹笑指樓桑五
丈高故國神遊得無恨壞垣風雨夜蕭騷中州集
周昂涿郡先主廟詩暗粉陳丹半在亡短垣殘日共
悲涼不須古碣書綿竹自有荒村記葆桑塵土衣冠
會繫馬歲時歌舞亦稱觴不應巴蜀江山麗能使英
靈忘故鄉同上
文天祥經樓桑劉先主故宅作我過梁門城樓桑在
其北元德已千年青烟遶故宅道傍爲揮淚徘徊秋
風客天下臥龍人多少空抱膝吟嘯集
陳孚謁先主祠作古廟千年後桑陰滿涿州亂山

北向大火巴西流遺恨三分國英雄百尺樓里人牲
酒莫想像袞龍浮觀光集

傳若金涿州樓桑村先主廟詩孤村縹緲見靈祠廢
宅蒼茫失故基蜀鬼夜還風滿蓋涿人朝祭雨霑旗
璽文定復歸寒水桑影猶疑覆短籬終古鄉間有遺
恨衣冠空想漢威儀傳與嘯詩集

頓鏡樓桑廟迎神辭帝子降兮范之陽恍臨眺兮舊
鄉山蒼蒼兮水泱泱神之來兮騶駟虬玉鸞鳴兮啾
啾雲車兮羽蓋樓桑陰兮蔽芾牲旣肥兮酒香總帷
施兮雕玉床荃高坐兮樂未央又送神辭帝子去兮
安之違桑梓兮心孔悲白帝城兮永安宮魚之腹兮
蠶叢巫陽雲雨兮洞庭風波雖信美而非吾土兮矧

蛟鱔與鼉鼉歸來兮歸來其樂兮如何 鷗汀集

沈自邠樓桑先主廟詩赤伏符難再三分志未伸江

山千古恨祠廟百年新事業歸龍戰飛揚憶虎臣 廟

以關壯繆侯張桓侯配食 枯桑非舊日灑淚向南旻

沈修撰集

譚貞良謁樓桑先主廟詩系出中山近名從小沛聞

十隣占李定望氣得周羣象叶黃龍瑞符仍赤帝文

全家頻脫險一旅忽能軍名士收諸葛英雄獨使君

志寧摧百戰力已限三分淚盡髀生肉魂歸棧入雲

枯桑遺廟折野火斷碑焚繫馬靈風至題詩塞日曛

粉榆存舊社絃管尚紛紛 荆石居遺藁

世廟末涿州樓桑廟傍農人王某田間石碓傳自七世

忽有賈胡過視欲購以十金其家疑不聽賈既去其兄

弟以失價相詬斧破之中空涵水一盂而已清冽異常

不省所用置神堂婢竊飲之數日膚潤而腹髮黑如漆

通知未來事其姑家相距百里曰姑家火發已及與室

又曰家牛生犢母子當弗活已而果然聲聞于外遠近

填門部使者表聞中使下迎婢忽不見 耳譚

去樓桑村三里為酈村酈道元故居也 名勝志

巨馬水又東酈亭溝水注之水上承督亢溝水于迺縣

東東南流歷紫淵東余六世祖樂浪府君自涿之先賢

鄉爰宅其陰西帶巨川東翼茲水枝流經通纏絡墟圃

匪直田漁之贍可懷信為游神之勝處也其水東南流

又名之為酈亭溝 水經注

紫水其泥亦紫

幽都記

展臺在州西南二十里相傳燕昭王展禮賢士於此長

安客話

城西南二十五里佑聖寺古槐有紫藤纏其上名勝志

桃水出涿縣故城西南奇溝東八里大坎下數泉同發

東逕桃仁墟北或曰因水以名墟則是桃水也或曰終

仁之居非桃水也按地理志桃水上承涑水此水所發

不與志同謂終為是

水經注

州西南三十里岐溝宋時置關以備契丹者

長安客話

岐溝距涿州西南四十里亦曰奇溝又曰祁溝唐末設

關於此晉王存勗天祐十年遣周德威出飛狐攻燕與

鎮定兵會于易水進攻祁溝關下之遂圍涿州守將以

城降宋雍熙三年曹彬米信等與契丹將耶律休哥戰

于岐溝關敗績彬等夜渡巨馬河南趨易州休哥領精

騎追及溺者不可勝計宣和中亦嘗設關于此以備金

方輿紀要

關在巨馬河之北自關而西至易州六十里由巨馬河

而東至新城縣四十里

通鑑注

燕昭王臺在州西南五十里

涿州志

臺東有三峯甚崇峻騰雲冠峯高霞翼嶺岫壑冲深合

烟鎖霧耆舊言燕昭王求神仙處也

元混一方輿勝覽

范陽郡有獨鹿鳴澤

通典

獨鹿山在州西十五里下有鳴澤漢元封四年由同中

北出朝那蕭關歷獨鹿鳴澤從西河還即此方輿紀要

下

卷二十九

元

寶禹鈞墓在州西團柳村 涿州志

禹鈞仕後周為諫議大夫五子皆登第馮道贈詩燕山

寶十郎教子有義方是也今涿州西二十里有禹鈞墓

土人呼為十郎冢 長安客話

寶諫議禹鈞嘗因元夕往延慶寺燒香於後殿堦側拾

得銀二百兩金三十兩遂持歸明旦侵晨詣寺守候失

物主須臾見一人泣涕至公問所因其人具以實告曰

父犯刑至大辟徧懇至親貸得金銀若干將贖父罪昨

暮以一相知置酒酒昏忽失去今父罪已不復贖矣公

驗其實遂與同歸以舊物還之 范文正公別集

寶氏同宗及外姻貧困有喪不能自舉公為出命塋之

由公塋者凡二十七喪親戚故舊遺孤有女未能嫁者

公為出金嫁之由公嫁者孤女凡二十八人相知窘困

由公活其族者數十家及公之有持心喪三年者 同上

禹鈞五子儀儼侃偁僖儀至禮部尚書儼禮部侍郎皆

為翰林學士侃左補闕侃左諫議大夫叅知政事僖起

居郎 同上

寶儀尚書本燕人家法整肅尚書每對客即二侍郎三

起居四叅政五補闕皆侍立焉 丁晉公談錄

石虎岡在州西五十里 涿州志

山上有二石虎 混一方輿勝覽

龍安山在州西五十里 涿州志

龍安在郡西四十里回巒繚繞深谷透迤自下而上有

紀有堂雨過則嵐光欲滴

涿鹿記

龍安大房諸山之支隴也

方輿紀要

桃水首受涑水于徐城合于聖水始滙范水城西桃莊

以此名

名勝志

桃莊在州西北一里張桓侯舊里也

涿州志

挾河水出良鄉縣西甘泉原東谷東逕西鄉縣故城北

正莽之移風也世謂之都鄉城又東逕良鄉城南又東

北注聖水世謂之挾活河水經注

涑水源從大同得勝堡入至老班溝一之涑水縣一之

也督亢亭州南一帶至新城皆是其北乃涑水所入盧

文偉修為陂故道猶存

名勝志

挾河自房山縣東南流與胡良河合

明一統志

挾河在縣西北二十里亦名巨馬河

方輿紀要

按挾河或謂源自大同邊界人或謂源出良

鄉房山或云即聖水或云即巨馬河難以臆

定也

西鄉廢縣在州西北二十里漢置屬涿郡後漢省或謂

之都鄉城

方輿紀要

西鄉侯國莽曰移風

漢書志

涑州西北五十里有惡峪漢世已有此名盧它人封惡

馨侯是也峪中雲氣瀰漫四時不絕

長安客話

史記亞谷侯漢書作惡谷鄭康成釋書大傳謂惡為亞

劉原父謂古亞惡二字通用

兩漢刊誤補遺

崑峪在郡西北五十五里草木榮茂 丞鹿記

盤坡在郡西北三百里坡有上中下西為表而東為裏

儼若畫屏夕陽西墜紫綠萬狀 同上

駝羅口在州東北宋雍熙中圍涿州契丹主隆緒由駝

羅口應援即此 方輿紀要

巨馬河出代郡廣昌縣涑山東過迺縣北 水經注

盧景裕字仲孺小字白頭專經為學居拒馬河將一老

婢作食妻子不自隨從 北史

遼聖宗統和四年宋將曹彬米信北渡拒馬河與于越

休哥對壘南北列營長六七里五月戰于岐溝關大敗

之追至拒馬河 遼史

燕京留守蕭孝穆乞於巨馬河接宋境上置戍長巡察

同上

開泰七年沿巨馬河宋界東西七百餘里特置戍長司

一員巡察 同上

至元二十一年四月涿州巨馬河決衝突二十餘里 元

史世祖紀

紀 至治元年七月滹沱河及范陽縣巨馬河溢 元史英宗

李廷機巨馬河橋碑涿城北二里為巨馬河水白紫

荆外鐵嶺崖來會霸水趨直沽入于海涿故南北孔

道河流湍驛行者病涉萬曆改元州人以造橋請聖

母慈聖皇太后憫民疾苦捐貲興勦而巨馬河始有

橋萬曆十五年雨潦橫決聖母仍出宮中供奉金命

內官監太監張進工部都水司員外郎審化龍屯田
司員外郎易登瀛協董其役以萬曆十六年正月經
始踰年而橋成爲洞門者九改造者七易去木龍骨
悉用石甃磨礮緻密數倍曩時李文節公集
傳若金拒馬河詩落日蒼茫裏秋風慷慨多燕雲餘
古色易水尚寒波岸絕船通馬沙交路入河行人悲
舊事含憤說荆軻傳與礪詩集
姚廣孝拒馬河詩大河擬長淮湍急去如瀉未足限
南北猶能拒戎馬牛馬顧其潛蛟龍蟄其下洶湧拍
遠天漫演散平野中流漁子多兩岸居人寡從來燕
趙間紛紛戰爭者以茲壯其國固舍曾不舍河伯願
揚靈終古保民社逃虛子集

林垠拒馬河作拒馬河邊驛路長蜚胡口外又斜陽
春光已過六十日不見花枝空斷腸野橋集

胡良河在州東北二十里源出房山縣大安山東麓流
入州境又南與挾河合流入良鄉縣界注于琉璃河方輿紀要

湖梁在郡北十里垂楊樹隄蒲葦夾岸曉月升時漁榔
欵乃樵夫牧子逍遙于廻塘曲渚之間不少佳致涿鹿記

萬曆甲戌有詔發帑金爲橋涿之胡良渡大司空朱公
衡力爭又建玉女祠于涿以內帑二千召司空修之司
空又爭太后爲武清治第費以數萬司空稽故事多所
裁抑太后頗啣之穀城山房筆塵

張居正勅建涿州二橋碑涿州北有河二自西山諸
泉來者曰胡良河距城七里自紫荆關外鐵巢崖入
者曰巨馬河距城二里每伏秋水發洶湧暴至行旅
走避不及歲漂溺常數百人聖母慈聖皇太后念之
會州民有奏乞建橋者聖母自以宮中供奉金募工
一夫不役于民一錢不取于官也司禮監太監馮保
舉內官監太監劉濟工部尚書朱衡舉郎中易可久
賀幼殊督工乃以二年正月興工五閱月而告成事
胡良河橋一巨馬河橋一高廣各二丈長三十餘丈
皆甃以巨石鋼以鐵錠費不過七萬役不過數月往
嘉靖間建琉璃河橋一費三十餘萬茲二橋之費不
當四之一而堅緻精工乃過之太岳集

金將完顏合住監軍阿興鬆哥以兵萬二千人糧車
五百輛援中都石抹明安將三千騎往擊之遇于涿州
宣封寨獲鬆哥合住遁去盡得其輜重元史本傳
灰洞在涿北燕南兩傍皆高岡路極狹無風而塵土空
積咫尺不辨人物石湖集

范成大灰洞詩塞北風沙漲帽簷路經灰洞十分添
據鞍莫問塵多少馬耳冥濛不見尖同上

涿鹿衛在州治西北永樂七年建涿鹿左衛在州治西
永樂八年建涿鹿中衛在左衛西永樂十一年建方輿
紀要

日下舊聞卷二十九終

日下舊聞卷二十九補遺

京畿五

夏世侯伯有范即今之范陽 國名紀

王次仲隱居范陽變篆籀之體始為隸書秦始皇既定天下三詔之使入秦不至復命使以檻車載之次仲忽化一大鳥翻然出車使者驚拜曰無復命必見誅惟神人憫之鳥徘徊空中振墮三翻使者得之以進始皇悔恨因名其地為落翻山 真仙通鑑
邊洞元者范陽女子幼而高潔仁慈好善每霜雪凝沍鳥雀饑栖必求米穀以餵之歲月既深鳥雀望而識之或飛鳴前導或翔舞後隨年十五白其父母願得入道父母未之許也既笄誓以不嫁奉養甘旨數年丁父母

憂毀瘠不食幾至滅性服闋詣郡中女官請爲道士治
機杼紡織晝夜不懈性亦好服餌往往爲藥所苦嘔逆
吐痢至于疲劇亦無所怨一旦有老叟負布囊入觀賣
藥衆問賣者何藥叟曰大還丹服之長生上仙叟面目
黧黑形容枯槁行步偃僂衆笑曰旣服之長生何憔悴
若此邪逡巡暴風雷雨衆驚悸稍稍散去叟曰此間有
女道士好行陰德絕粒多年者在或指其院以示之
叟入院徑至洞元前曰此有還丹大藥能服之乎洞元
驚喜延坐問藥須幾錢叟曰所值不多五十萬金耳洞
元曰窮窘無錢何以致藥叟曰勿憂子自幼及今四十
年矣三十年來積聚五穀餉飼禽虫以此計之不啻藥
價也卽開囊示之藥丸青黑色大如梧子者二三斗令

洞元自探之洞元所得三九叟曰此丹服之易腸換血
十五日後方得升天乃中品也又于衣裾中解一合子
大如錢出少許藥如桃膠狀亦似桃香叟于井中汲水
調此令吞之謂曰子宜處臺閣之上七日可以升天當
有天衣天樂來迎矣須臾雨霽叟不知所之于是洞元
告人曰吾不欲居此願登門樓之上時樓猶扃鎖語未
終已騰身而上矣一郡之內觀者如堵太守僚吏遠近
之人皆禮謁焉洞元告衆曰中元日可來相別衆乃致
齋大會七月十五日辰時天樂滿空紫雲翳鬱縈繞觀
樓衆仰見洞元升天幡旌羅列直南而去午時雲物方
散太守具以奏聞是日巳刻大唐明皇居便殿忽聞異
香紛郁有青童四人導一女道士年可十六七進曰妾

幽州女道士邊洞元也今日得道升天來辭陛下言訖
冉冉而去乃詔問所部幽州亦驛騎馳奏與此符合勅
其觀為登仙觀樓曰紫雲樓命校書郎王端敬之為碑
以紀其事 壙城集仙錄

日田謹按廣異記以洞元為冀州棗強縣女
道士所載上昇事亦不同夾淙鄭氏編藝文
畧有邊洞元升天記一卷從靈佑宮檢道藏
未得其書不知記中主何說也

太宗既平太原遂觀范陽得汾晉幽薊之馬凡四萬二
千餘匹 截江網

天聖中侍御史知雜事章顛使遼死遼無棺槨瘞至范
陽方就殮自後遼人常造數漆棺以銀飾之復有使人

入境則載以隨行至今為例

世安漢筆談

步曾涿州詩涿鹿茫茫白草秋軒轅曾此破蚩尤丹

霞遙映祠前水疑是成川血尚流

咏史詩

陳季涿州詩晨發白溝河薄暮宿范陽殘城無雉堞
枯木鳴白狼回首望中原日落烟茫茫天低鷓沒處
彷彿見太行緬懷昭烈帝八尺鬚眉蒼平生漢社稷
志欲為高光惜哉不得就越在天一方里人亦何知
牲酒奠樓桑車蓋不復見但有秋草黃我來已千載
誰復悲興亡天明登車去塵霧沾衣裳 觀光集

吳天泰涿州詩寂寂樓桑村下路王孫販屨竟何之

豫州若向幽燕起子幹應為帝者師 日生帶草堂集

涿州張桓侯廟有二一在城內一在城外 黃圖雜誌

九二十九補遺

三

陳懿典涿州重修張桓侯廟碑畧漢車騎將軍張侯
專祠在蜀涿州其所生之鄉州有廟舊矣方侯之從
先主起也聞關百戰艱險周旋身陷陣瀕危者數矣
而卒矢志興復九死不回及與諸葛亮游江定蜀三
分鼎建之業開拓為多作鎮巴西破張郃之眾曹操
逡巡引退不敢復窺漢川庶幾哉可與關壯繆爭烈
矣而侯氣吞吳魏方勃未已乃竟死帳下兵卒之
手其志鬱而未伸其精爽必有不可磨滅者則侯之
有廟以奔走其鄉之艾老子弟宜已然侯非獨勇烈
茂也蓋亦有君子之風焉當捨攘中士皆從強大就
功名侯獨依先主共事艸昧孔明一出而居其上黃
馬後起與並列壯繆猶待費司馬之解而後釋然侯

則退無後言又嘗降級而釋嚴顏此尤雄鷲者所難
而侯獨能之以勞定國以死勤事侯誠合乎祀典者
矣吏隱齋集

衛公虜敏使金至涿州與幹離不遇請相見問其儀以
劍對公笑曰所謂例者非趨伏羅拜乎皇子雖貴人臣
也使人雖賤亦人臣也兩國之臣相見而僭君是一國
二君也不祥莫大焉乃長揖而入浮溪文粹
真大道第八代師曰岳真人諱德文涿州人始涿有童
謠云涿有八岳父老莫之解也後真人號岳祖蓋其徵
云道園學古錄

琴高執笏于宋康抱朴子

太宗泰常七年九月溫泉出于涿鹿人有風寒之疾入

者多愈 魏書靈徵志

汪藻賀收復涿州表臣聞黃帝得天始正阪泉之伐
宣王復古爰興獫狁之師緬惟幽薊之區久失漢唐
之舊厥畱丕績以待聖時出成算于九重拓提封之
萬里風聲鶴唳何勞震疊之餘簞食壺漿惟恐歡迎
之後皇帝功高治古道冒綿區兼收區夏之心克紹
祖宗之志得皇天之所覆徠上古之不臣前茅突入
殊疆破竹遂無遺策臣幸逢嘉會適守遐藩傳聞毳
帶之朝恣陳渭上遙想龍墀之慶獨阻周南 五百家
播芳文粹

石瑤涿郡詩二水爭流繞郡南郡城東望五雲含風
生帝子樓桑里月射桓侯浴馬潭古俗多年猶慷慨

廢臺無客更遊談津郵日日鳴鉦鼓看盡行塵擁使
驂 熊峯集

涿州北關東嶽廟規制敞麗萬曆二年慈聖宣文皇太
后勅修有張居正碑 蒲素堂集

王惲涿州移置攷至元八年秋九月予以省觀來涿
因拜謁孔子清廟遂讀唐貞元中使持節都督幽州
諸軍事彭城劉公建孔廟碑乃知州治本幽州盧龍
軍屬邑范陽縣也至代宗大曆初詔始分范陽歸義
固安三縣為涿州治范陽涿郡即涿郡故地為各按
輿地廣記漢初高祖始立涿郡魏文帝改范陽郡其
地左碣石右督亢南控鄭城百里而遙北連幽薊百
里而近唐已來中間控制蕃戎部落甚衆又河流縈

帶前後有林麓陂池之利周廣磅礴鬱爲雄藩及辨
蹟遼統和廿八年州刺史廣陵高公移廟碑陰記云
舊廟本在南城東北隅是年刺史高公移置南城東
南隅康莊之左因復悟今州城南北若連環然意者
置州時展築南城而廣大之今市中隔門本故縣城
南門也觀此前後證據甚明無可疑者噫予往來幽
涿間蓋十年于茲嘗以隔門之制爲惑詢訪土俗莫
詳其故且方物之辨一事弗知君子耻諸不圖聞一
得二使數年之疑一旦渙然冰釋亦可喜也特表而
出之敢貽涿之好事君子以俟更攷云 秋澗集
王恂謁樓桑昭烈帝廟詩百里燕南道山河繞帝宮
葦寸仍故里喬木幾秋風簡冊經綸在丹青戶牖空

寥寥千載下伏臘祀攸崇 同上

金人以山後諸郡不可守卽移兵山前是時太祖經畧
山後諸州皆平自紫荆關領兵大入攻涿州州兵殊死
戰晝夜急攻四十餘日拔之 魯國忠武王行錄

涿州有靈椿寺寺中椿樹一本大不可量枝幹繁盛凡
樹影皆隨日月升沉以爲邪正而椿影早暮未常少移
故以名其寺 宦游紀聞

洪适使回至涿鹿詩回首燕然日再西一杯相屬使
輅歸殘花媚野不妨好倦鳥投林自在飛可惜光陰
銷客枕不嫌塵土染征衣大明退直清和日已約梯
雲訪翠微 盤洲集

日下舊聞卷三十

京畿六房山

房山縣在涿州西北四十里東至順天府一百二十里
本良鄉宛平范陽三縣地金大定二十九年始置萬寧
縣以奉山陵明昌二年改奉先縣方輿紀要

劉因過奉先縣作閏遼分宋統此志亦雄哉置縣名
猶在因山勢已摧百年元魏史千古汝南哀華表鶴
應有悲風海上來劉靜修集

元至元二十七年改為房山縣屬涿州方輿紀要

房山本良鄉之昌黎里清類天文分四之書

漢有房山侯蓋亭鄉侯之屬元始以名縣金之萬寧縣
遺址在縣治西名勝志

房山城創于金大定間垣高丈餘圍一千四百四十步
方各有門東曰朝曦南曰迎恩西曰仰止北曰拱極明
隆慶間始甃以石縣治在城西南隅

涿州志

房山舊是土城隆慶己巳知縣事李琮采石甃之增崇
至三丈

房山縣志

元房山縣尹朱禮去思碑馬恕撰文

古金貞石志

儒學在縣東南隅儒林坊創于元延祐間

縣志

魏必復房山建學碑聖元大一統憲章自王尊禮孔
聖加崇大成徽稱不作新廟亶冒穆穆而又樂備禮
嚴誠惟首善新民以警風天下房山奠邦畿既載宅
朔方距都城百里任土置縣肇金源六葉隸名京畿
自奉先朝廷因茲山改名距金餘百載迄未有先聖

先師祀至元甲午僉徽政院拜禮於時選員中省幕
卜縣巽方債隙地廣袤羸敏者再始潛心經度禮縣
人也大德改元俾直學料顯旬監縣牙忽宰宋世昌
簿楊政尉木八刺主吏鄭惟良咸自誦此則我職敢
不敬應於是庇工歲役禮偕縣人知湘潭州張汝楫
輪楮幣以倡是年正殿成明年神門成又明年邴人
劉仲勉工塑像設大成巍巍南面垂旒被袞充鄒兩
公十哲序位左右侍準古範陶器室春秋釋奠一如
監學通祀儀大德甲辰宰王傑簿史忠尉小云失隘
殿地後不稱繼續二畝有奇構明倫堂傑作治甚力
甫畢及瓜延祐改元宰王元恕念惟兩廡未備考
之故事從祀闕今歷命禮謂宜亟作治不爾待後

視今猶今愴前也卽與俸入疏平昔交同志以相厥
事合楮幣餘三千緡屬監縣明安答宰元恕簿伯任
尉張彥澤起兩廡庖內外門墮未備者先是詔罷不
急役議者謂方春事東作宜弛廟繕修令與監縣已
下相勵曰教化國家急務風俗本原奈何廢弛矧是
役也歛弗及民朽者梓者恣疇備以直陶者斤者悉
物賈以售茲俾遂事則勸民以禮勉吏以義孰敢忽
諸於是趨者胥徒隸兵咸入役身涖之不兩月煥然
就敘繪從祀七十二大儒二十四新祠十賢儼像攝
齊東西其冠冕服黼黻並取式監學應圖合禮廟門
夾兩翼致齋室內外按圖制悉具登降有度有數十
子觀廟事畢掌石局張彬亦縣人也目擊心悅欽服

美事礪碑廟廷意以是役前後發心之誠作用之勤
具載金石貽後人勿替今之功其勸善有在矣涿州志

福勝寺在縣治東北明洪武十五年建縣志

玄元觀在縣治西北隅同上

縣東十里徐村有塔同上

挾河出縣東南中浣谷流入涿州界方輿紀要

姚廣孝墓在縣治東北四十里太平里明一統志

聖岡在盧溝橋西二十里北有姚少師塔塔前有御製

碑文右爲長羅寺司禮監太監王安墓在其後北游紀

宣德元年五月立故少師榮國公姚廣孝神道碑初廣

孝卒太宗皇帝親製碑文命有司營葬并樹碑神道碑
已具而文未刻至是其養子繼以請上出永樂中御製
文付之曰其卽刻碑以成皇祖嘉念功臣之志實錄
明成祖御製姚少師神道碑朕惟商宗得傅巖之叟
以佐中興漢高用赤松之流以成大業蓋天之生斯
人也豈偶然哉惟我太子少師姚廣孝蘇之長洲人
祖菊山父妙心皆積善母費氏廣孝器宇恢弘性懷
冲澹初學佛名道行潛心內典得其幽奧發揮激昂
廣博敷暢波瀾老成大振宗風旁通儒術至諸子百
承靡不貫穿故其文章闕嚴詩律高簡皆超絕塵世
聞名人魁士心服其能每以爲不及也洪武十五年
僧宗泐舉至京師朕皇考太祖高皇帝一見異之命

住持慶壽寺事朕藩邸每進見論說勤勤懇懇無非
有道之言察其所以堅確有守積純無疵朕益重之
及皇考賓天而奸臣擅命變革舊章構爲禍亂危迫
朕躬朕惟宗社至重匡救之責實有所在廣孝以時
識進退存亡之理明安危禍福之機先機效謀言無
不合出入左右帷幄之間啟沃良多內難旣平社稷
奠安乃召至京師命易名特授資善大夫太子少
師旣又錫之誥命祖考皆追封資善大夫太子少師
如其官朕命儒臣纂修皇考太祖高皇帝實錄廣孝
爲監修官躬自較閱克勤所事嘗歸吳中以所賜金
帛悉散之宗族鄉人其平生樂善好施天性然也永
樂之六年三月來朝北京仍居慶壽寺朕往視之與

語極歡至二十八日召諸門人告以去期卽歛袂端坐而逝享年八十有四朕聞之哀悼不勝輟視朝二日令有司爲治喪葬追封榮國公謚恭靖贈以勳號百司官寮暨畿內士庶遠近傾赴肩摩踵接填郭塞衢雖武夫悍卒閭巷夫婦莫不贊嘆嗟咨瞻拜敬禮惟恐弗及凡七日儀形如生異香不散卜地西山礮石建塔四月六日發引靈輻飄灑法幢旋繞于以火之心舌與牙堅固不壞得舍利皆五色其所養深矣六月十一日乃葬墓在房山縣東北四十里嗚呼廣孝德全始終行通神明功存社稷澤及後世若斯人者使其栖栖于草野不遇其時以輔佐興王之運則亦安得播聲光于宇宙垂功名于竹帛哉眷惟耆艾

深切念懷乃揚其功德之不可泯者勒之金石以詔來人

樣菴卜乘

弘業寺在縣西三里有塔

縣志

茶樓頂在縣西二十里上有金章宗歇涼臺

同上

龍含峪在縣西二十五里下有清和觀遺址

涿州志

弋穀尹宗師碑所誌志平字太和姓尹氏萊州人覲長春真人于栖霞觀執弟子禮夕爰易于郝太古已卅歲太祖皇帝遣劉仲祿徵長春真人師爲勸行北上時從者十八人師爲之冠纏真人主長春宮尋葺大房山之真陽觀更曰清和宮謂侍者曰爲我灑掃西堂吾將逝矣是夜白肱而逝中統二年詔贈清和妙道廣化真人門人撰其著述曰葆光集

甘水什源

青城峪下有伏龍穴出湯泉 各勝志

唐房山湯記張嘉貞撰開元十五年四月立 輿地碑目

五侯村在房山縣西南二十里 涿州志

易水出西山寬中谷東逕五大夫城南昔北平侯王譚

不同王莽之政子興生五子並避時亂隱居此山故其

舊居世以為五大夫城即此岳讚云五王在中龐葛連

續者也易水東左與子莊溪水合水北出子莊關南流

逕五公城一屈逕其城南五公燕王興之五子也光武

即帝位封為五侯元才北平侯益才安喜侯顯才蒲陰

侯仲才新市侯季才唐侯所謂中山之五王也 水經注

范陽五侯寺後魏有僧誦法華為常業初死權殮隄下

後改葬骸骨並枯惟舌不壞 涿苑珠林

聖水東逕玉石山謂之玉石口山多珉玉燕石故以玉

石名之 水經注

大石嶋在縣西南四十里黃龍山下前產青白石後產

白玉石小者數丈大至數十丈宮殿營建多採于此石

嶋下有塘突出一泉其水甚清流灌稻田米色如玉人

呼玉塘米 縣志

迴城水源出良鄉縣西北玉石山東流經縣北四里又

南流入范陽縣界 郡國志

十度河在縣之西南曲折旋繞由十度村至石嶋店歷

經十度故名即巨馬河之上流也 縣志

賈島峪在房山縣西內有石室世傳為島所居墓在縣

南一十里 明一統志

房山縣石口村有賈島庵云是島為僧時所棲負山臨壑最為幽勝 燕山叢錄

島初祝髮于瀛州泐善寺後居房山西峪峪有石菴是島故宅後舉進士授長江簿卒于蜀歸葬房山墓在縣城南十里 長安客話

弘治中御史盧某訪唐詩人賈島墓得斷碑于石樓村乃闢地植碑大學士李東陽別樹一碑記焉 帝京景物畧

唐鄉貢進士蘇絳撰島墓銘曰君穿楊未中遽罹飛謗解褐責授遂州長江縣主簿三年秩滿遷普州司倉參軍君性平和茂木嘗評人之是非不食葷血風骨

自清念持金偈真枝至理悟浮幻之莫實信無生之可求智矣哉又善攻筆法得鍾張之奧所著文篇澹然躡陶謝之踪以會昌癸亥歲七月終于郡官舍未浹旬轉授普州司戶參軍無子夫人劉氏承君遺旨粵以明年三月擇安岳縣移風鄉南岡權安禮也慮陵谷遷變刊石紀時 長江集附錄

島初赴名場日以八百舉子所業悉不如已往往獨語傍若無人或鬧市高吟或長衢嘯傲韓愈與之為布衣交贈詩曰孟郊死葬北邙山日月風雲頓覺閑天恐文章聲斷絕再生賈島向人間賈又吟病蟬之句以刺公卿公卿惡之與禮闈議奏島與平曾等風狂撓擾貢院逐出關外號為十惡後為僧名無本入京投蜀僧悟達

國師院中潛於鐘樓安下宣宗微行聆鐘樓有吟詠聲
遂登樓於島案上取吟次詩欲看島不識帝攘臂睨帝
遽於帝手奪之曰郎君何會耶帝慙赧下樓島尋追悔
欲投鐘樓帝惜其才亟詔釋罪謂島曰方知卿薄命矣
遂御札墨制除島為長江主簿勅曰比者禮部奏卿風
狂遂且令關外將息今卻攜卷軸潛至京城遇朕微行
聞卿高詠觀其志業可謂屈人是用顯我特恩賜爾墨
敕宜從短簿別俟殊科可守劍南道遂州長江縣主簿
仍便賫勅乘驛赴官大中八年九月七日島自長江遷
普州司倉至老無子因啖牛肉得疾終於簿署後程錡
評事倅岳陽日為詩悼之因創墓在岳陽山上岳陽普
州地名山下有岳陽池 鑑誠錄

賈島字浪仙范陽人初為浮屠名無本韓愈教其為文
去浮屠舉進士不第文宗時坐飛謗貶長江主簿會昌
初以普州司倉遷司戶未受命卒 新唐書

島初赴舉在京在驢上得句引手作推敲之勢時韓退
之為京兆尹車騎方出島不覺行至第三節左右擁至
尹前退之遂與並轡歸為布衣交後累舉不第乃為僧
號無本居法乾寺一日宣宗微行至寺聞鐘樓上有吟
聲遂登樓於島案上取詩卷覽之島攘臂奪之曰郎君
何會此耶宣宗既去島知亟謝罪乃除遂州長江簿後
遷普州司倉卒故程錡以詩悼之有騎驢衝大尹奪卷
忤宣宗之句 唐遺史

賈島太和中嘗跨驢張蓋橫截天街時秋風正厲黃葉

可掃阜吟日落葉滿長安求一聯不可得不知身之所
從因衝京兆尹劉栖楚節被繫一夕釋之又嘗遇武宗
于寒水精舍島尤肆慢武宗誅之日令與一官授長江
簿至普州司倉卒

撫言

常莊奏請追贈近代人不及第者孟郊李賀皇甫松李
羣玉陸龜蒙趙光遠李甘劉得仁陸逵傅錫平曾賈島
劉稚珪顧邵孫沈珮顧蒙羅鄴方干諸人俱無顯遇皆
有奇才麗句清詞徧在時人之口衝冤抱恨竟為冥路
之塵伏乞宣賜中書門下追贈進士及第各贈補闕拾
遺

長江在東蜀境內賈浪仙家于此處

雲臺編

長江縣賈島

諡為主簿有墓在焉

方輿勝覽

賈島墓在安岳縣島遷普州司戶叅軍卒葬此安岳有

大雲山昔有雍州李洞避朱泚之亂入蜀隱此鑿石為

洞讀易其中嘗師事賈島云

潼川州志

新書謂島先為浮屠後舉進士遺史謂後因不第乃為
僧撫言謂吟落葉可長安句衝京尹劉栖楚節遺史謂
得僧敲月下門句衝京尹韓退之節新書謂文宗時坐
飛謗貶長江簿遺史謂奪詩卷忤宣宗除長江簿撫言
又謂肆慢武宗紛紛之論不同如是今集中載大中入
年舉制若是則島出仕于宣宗之時矣考蘇絳所撰墓
誌則曰會昌癸亥歲終于郡官舍島既死于武宗之世
宣宗墨制疑後人所擬以附會遺史之說不然則太和
誤為大中亦未可知也

野客叢書

大中墨勅九十四字舊刻石祠堂中唐書傳云文宗時
坐飛謗貶長江主簿會昌初以普州司倉遷司戶叅軍
墓誌亦記罹飛謗解褐責授長江簿會昌癸亥終于普
州官舍蘇絳當時人誌必不差撫言載武宗時謫去亦
非也然則大中恐是太和字不敢輒改俟知者辨之紹
興二年閏月辛卯朝議大夫提舉江州太平觀平陽王
遠跋 長江集附錄

鄭谷長江縣經賈島墓作水遠荒墳縣路斜耕人訝
我久咨嗟重來兼恐無尋處落日風吹鼓子花 雲臺

編

李頻過長江傷賈島作忽從一宦遠流離無罪無人
子細知到得長江聞杜宇想君魂魄也相隨 梨岳集

按賈島墓本在普州安岳縣移風鄉蘇絳誌
文足據何光遠亦云墓在岳陽山上岳陽普
州地名則島墓在普州無疑而鄭都官又有
長江縣經島墓詩祝和父亦稱島謫長江簿
有墓在焉或長江與普壤地相接故爾李頻
詩一宦終遐徼千山隔旅墳李洞詩旅墓新
墳小歸魂故國遙曹松詩已塋離燕骨難招
入劍魂皆憫其遠塋于蜀明一統志乃載入
房山蔣仲舒遂謂賈卒于蜀歸塋房山不知
何所本也

大防山在良鄉縣西北三十五里山下有石穴又有小
防山與大防山相近 太平寰宇記

防山上有仙人玉堂

隋圖經

房山在涿郡西北五十里北接居庸東抵漁陽西連紫

荆所謂幽燕與室也

涿鹿記

房山本中條之麓其山峻而且濶望之明秀異常宛然

如室

縣志

大防嶺山下有石穴東北洞開高廣四五丈入穴轉更
崇深穴中有水者舊傳言昔有沙門釋惠彌者好精物
隱嘗篝火尋之傍水入穴三里有餘穴分爲二一穴殊
小西北出不知趣詣一穴西南出入水逕五六日方還
又不測窮深其水夏冷冬溫春秋有白魚出穴數日而
返人有採捕食者美珍常味蓋亦丙穴嘉魚之流類也

水經注

孔水洞在大房山東北上有懸崖千尺餘下有石窟濶

二丈許泉水從中湧出深不可測唐胡詹作記云有人

篝火探之行五六日莫究其源但見仙鼠晝飛頰鱗時

現

圖書編

房山穴北懸崖間有石竇如門中有積水人往往聞絲

竹音有好事者乘簞乘炬而入唯見石燕飛翔頰鱗漉

漉行五六日無所抵恐炬盡而出金太和中

有桃花流出其辨徑二寸俗呼爲孔水洞

燕山叢錄

房山有孔水洞濶二丈許深不可測嘗有人乘火浮舟

探之隱隱聞作樂聲懼而返金太和中忽見桃花流出

又有石經洞爲隋靜琬法師鑿石刻經處以石門閉之

累代皆有碑碣

御山掌錄

大房東山懸崖千尺石竇如門竇內泉水沸湧好事者嘗篝火乘桴探之行五六日莫究其源

長安客話

孔水洞時有白龍出輒化為魚開元間旱每遣使投玉璧金泰和中忽桃花流出辦如當五錢

帝京景物略

頓鏡詩石竇水拖練靈源地絕塵浪傳飛白鼠無處隱頰鱗入夏桃花盡經春荇葉新輕舸不可入豈有

避秦人 鷗川集

雲蒙山直上皆石壁下有水湧出為孔水洞俗名水簾洞舊有龍泉寺唐大曆中建今四壁刻佛像更萬佛堂醜惡甚矣

北游紀方

孔水洞在房山東北今譌為雲水洞

方輿紀要

按雲水洞在上方山孔水洞是一洞非孔水

譌為雲水也

梁貞明三年秋契丹圍幽州城中厄困李嗣源聞竇李存審步騎七萬自易州北行踰大房嶺循澗而東嗣源與養子從珂將三千騎為前鋒距幽州六十里與契丹遇契丹驚卻晉兵翼而隨之契丹行山上晉兵行澗下每至谷口契丹輒邀之嗣源父子力戰乃得進至山口契丹以萬騎遮其前嗣源躍馬奮擣三入其陳斬契丹酋長一人後軍齊進契丹兵卻晉兵始得出至幽州

通鑑

宋垂拱中吏部尚書宋琪上疏請復幽燕其畧曰循孤山之北涑水以西挾山而行援糧而進涉涿水並大房抵桑乾河出安禮寨此是周德威收燕之路然終宋之

世卒未能復也

春明夢餘錄

韓姑砦俗呼韓繼村有香光寺寺右有唐寶積禪師塔

塔後為大悲閣萬曆二十二年賜藏經貯焉

北游紀方

由韓姑砦而西從小徑入孤山口普濟寺道傍有元應

公禪師道行碑又有僧塔甚多不能遍覽也

國門述游

錄

唐順之普濟寺死轉雲峯合微菴烏路通開來竹

林下醉臥石房中陰礪泉先凍陽崖藥向紅攀蘿探

虎穴憇石俯鮫宮上客思留帶山僧不避驄夜深清

嘯發流響入寒空

荆川集

塔寺近栗園村在縣東北四十里

縣志

白濟寺西行有村名別院田中一碑勒元薛禪曲律

皇帝旨一道碑末書虎兒年月日碑陰為護持天開中

院記集賢侍講學士中奉大夫魏必復撰文并書昭文

館大學士榮祿大夫集賢院使廉簡題額循村又西數

里為歡喜臺

國門述游錄

魏必復天開中院碑陰記天開古名刹在房山之麓

規制始于漢歷晉隋唐迄五季盛于遼廢于金季之

兵至元十年歲次癸酉應公禪師始來住持次建栗

園寺次建皇后臺東西兩寺次建涿州設濟寺規模

莊嚴擬于天開又建中院于寺南沙河按據上游創

水碾三以給眾僧日饌費至元二十七年世祖皇帝

聞而嘉之特賜聖旨護持應公既示寂遺教弟子趙

顯仁住持延祐三年二月特授聖旨宗主大天開上

方中院設濟等寺前後綸命顯仁鑄之琬琰延祐四年歲次丁巳秋九月

循孤山口而西峰橫澗束澗上側徑如古墻趾人行村落十二三里至下接待庵兩壁巉截中隱一罅旋折東西望一平處曰歡喜臺行二里過兜率門一里得石級以升毘盧頂庵寺百餘有藥卽殿華嚴龕珠子橋又半里則上方寺矣寺左一峰高百丈峰下泉曰一斗泉峰之有名者大小摘星峰望海峰帝京景物畧

自歡喜臺拾級而升凡九折盡三百級始達毘盧頂上有寺百二十丹碧錯落嵌入巖際蒔花種竹如江南人家徐文長集

孤山口西行約十二三里行篋游騎寄頓下接待院歷

枯欄二里許至山門榜曰兜率禪林又里許上石梯一百餘級欄旁皆飛瀑宿痕挽鐵縷而上是爲上接待院倚壁皆僧舍又半里入上方寺左有一斗泉帖石山房十笏以奉大士下有文殊洞上普賢洞外又有雲水洞芋巖洞朝陽洞游業

孤山普濟寺歡喜臺接待庵上方兜率院皆萬曆初太監馮保修築各有碑兜率殿後刻四十二章經置于壁筆法遒整不知備何人書也國門近游錄

上方寺一名兜率寺鑿石爲磴攀鐵索而上絕頂有泉如斗汨汨不窮旁有修竹千竿清冷逼人燕都游覽志

出兜率寺西南行過十方院其旁僧捨甚衆中一塔特高嵌有碑題曰六聘山天關寺懺悔上人墳塔記金朝

議大夫乾文閣大學士知制誥賜紫金魚袋王虛中撰
布衣賈漑書文稱師諱守常族曹姓易縣新安府人禮
六聘山鐵頭陀為師住持本山三十年所度白黑四眾
二十餘萬以咸雍六年遷化塏建于大安己巳姑洗月
末書涿州邵師儒鐫國門近游錄

毘盧頂之右有一斗泉望海峰左有大小摘星陀極高
峰後有雲水洞奇遠特甚至山腰則一百二十寺一
可指數長安客話

摘星嶺在府西高入雲霄紀纂淵海

光啓時契丹入寇幽州劉仁恭窮師踰摘星山討之唐書

曹學佺遊房山記畧出房山縣城行六十里所過村

落日瓦井曰天光曰孤山口皆與山勢為升降人家
屋上結茅蓋以石過此則崇山如環幽溪如帶時時
涉溪沿壁乃至山麓有一庵焉為諸峰所覆客始休
車馬結束以入亂山巉岩兩壁相距中開一線鳥道
盤旋五里至石梯梯即巨石鑿為坎僅容半趾高數
百磴左右兩鐵絙長百尺山巔下垂陟者緣之手足
分任其力梯盡處有小庵可憩折而東北可一里至
山門入門見諸庵縱橫稠疊處于懸崖峭壁蒙茸之
內如鳥巢然獨上方寺正中如負宸以居傍有兩欄
流下又東折而往崑下有泉深三尺廣倍之面一平
臺又十倍之相傳開山時有龍占此禪師叱之避盡
擊其山泉以去師飛錫擊其尾留泉僅滿斗今山即

名斗泉也山下有洞尚隔一山說者以此山空腹寺
徑達洞然人必自其上上行必徑前峰孤圓突兀
形如摘星望之甚憚陟亦可至峰半可頰諸庵嶺亦
劣平尚不見洞又下五里入洞如一城僧依洞爲窟
石床菲扉爲客煑茗不得水以葫蘆繫腰至洞取水
曳之出入尋縛枯藤爲炬鱗次而進第一洞猶隱隱
見影二洞以內卽黯黑無光三洞是一小竇圍可三
四尺深五六丈伏地匍匐束身蛇行卽僧所曳葫蘆
處也入三洞倏高廣燎炬不見頂傍有一潭石蜿蜒
如雙龍狀其中圓光如珠于是取水焉抵九洞無路
有穴如井入者後人躡前人背丈餘復空濶但霧氣
霧塞履滑衣濕不易前進至十三洞路尚不窮

此無奇興盡返矣大抵中以一曲爲一洞十三洞約
有六七里洞中之石玉白鏡瑩削爲琉璃踰寸明徹
其境之最著者曰蓮華山片片如青蓮瓣曰龍虎宛
肖如龍虎曰長眉祖師兀坐岩畔眉修然垂曰呂純
陽儼然具道者衣冠曰石塔層層筆立曰石鐘鼓叩
之作鐘鼓聲此非歷三洞穿竇之苦不能得也又其
最著者曰須彌山一山甚大行良久難盡曰雪山森
如積雪捫之若刺曰萬花樓山之上有多樓焉以雪
爲地吐花如靈芝者數萬朶曰仙人橋跨清溪而渡
曰十八羅漢爲修短欹正各狀貌曰接引幡從頂倒
懸縹渺若拂此非歷九洞入井之危不能得也出洞
之後依然天光迥若隔世

石倉文集

阮旻錫上方山記度盧溝循房山而西到接待亭一
望皆丹崖翠壁遊者捨騎扶筇逕旋步折得稍平處
爲歡喜臺前登兜率門兩峰壁立中砌石級鐵鎖高
垂凡三轉至毘盧頂山中爲刹七十有二寺之古者
曰兜率創自隋唐多華嚴師遺跡峰之岐處爲朝陽
洞傳有白猿聽經于此洞中二泉澄泓可鑿毫髮山
塢旱龍潭龍去潭枯然灑塵不入峰最尊者爲齋星
陀華嚴于此齋星曰摘星訛耳僧巢其巔下如飛鳥
然燕山紀游

甘池在孫家岡北石將軍廟前泉凡七孔平地趵突流
爲長溝土人言廟下穴中有一目魚長可四寸每於清
明日出穴戲游見者以占豐稔北游紀方

孤山口東八里有東南西北甘池四村亦謂之長溝谷
西村之北水從石壁出凡七竇羅注爲池上有河北將
軍廟旣無碑記不知爲何神也土人言池中生魚止一
目而涿州相近有水生魚重脣其味皆絕美然不多得
水從石橋過橋下荇帶冬月青翠可翫按酈善長注水
經有甘泉水出良鄉西山東亶逕西鄉城西而南注疑
卽是水也村東行數里爲皇后臺黑龍潭其北卽六
聘山山有天開寺寺中有元碑三其一從仕郎翰林國
史院典簿順聖魏必復撰并書至元二十八年立末書
石局副使李文秀鐫其一香山永安寺住持沙門惠川
福珪撰并書後至元三年四月立其一石經山雲居寺
住持沙門西源洪注撰并書至正十二年立又有陀羅

尼石幢字多磨泐無歲月可考國門近游錄

僧福珪六聘山天開寺重石記畧國門之西兩舍

之地有山曰六聘中有伽藍曰天開燕易間一鉅刹

也自後漢迄有唐經五代歷遼金廢興難具載云天

開者以寺前山谷天然開闢也吉金貞石志

六聘山在房山縣西三十里明一統志

涿州永泰軍有大房山六聘山涿水樓桑河橫溝河禮

遜河祁溝河遼史

大房山南晉霍原隱處名勝志

涑水北遜小鬻東又東遜大鬻東蓋霍原教授處也徐

廣云原隱居廣陽山教授數千人為王浚所召雖千古

世懸猶表二鬻之稱既無碑頌竟不知定誰居也小經

霍原字休明燕國廣陽人元康末與王褒等俱以賢良

徵累下州郡以禮發遣皆不到後王浚稱制謀僭使人

問之原不答浚心銜之時有謠曰天子在何許近在豆

田中浚以豆為霍收原斬之懸其首諸生悲哭夜竊尸

共埋殯之晉書

許猛為幽州刺史素服霍原之名將詣之主簿當車諫

不可出界猛歎恨而止原山居積年門徒百數燕王月

致羊酒州府元龜

盧道將為燕郡太守下車表樂毅霍原之墓而為之立

祠魏書

按六聘山見于遼史見於寰宇通志及明一

統志近時士子多守廣輿記爲兔園冊削去
不載人遂畧焉不考康熙癸丑予登上方山
見兜率寺南十方院東有金大安中懺悔上
人墳塔後十四年復遊上方於孤山口西麥
田中見有元延祐間所樹碑則集賢學士魏
必復所撰稱此地爲六聘山天開寺下中院
又於甘池村北數里訪天開寺尙存蓋當日
寺僧管業其地甚廣天開乃其下院孤山則
下中院兜率爲上方而總名之曰六聘山天
開寺六聘之義地志不詳疑卽霍原教授之
地舍原之外無人足以當之矣

甘池村東北十五里村曰瓦井過村有小庵中有元時

石幢字多磨泐去庵百步有僧塔七其一大書榮祿大
夫守司徒侍中宗主某大師靈塋字其餘六塔皆有銘
棘荆繞之字小不能讀也塔旁有石幢二又有不鐘一
鐘上亦有銘乃至元中物

國門近游錄

一堵墻山在縣西南四十里石壁峴峭高三百餘尋長
五百步儼若版築其下可容數百家

縣志

紅螺山在縣西南四十里卽幽嵐山山勢峻嶒諸峰羅
列如劍戟古刹存焉

涿州志

紅螺嶮在上方山東三十里循八龍峪度入寨嶺入桃
葉口爲下嶮過龍潭水有洞曰紅螺爲中嶮復上半里
其右松棚庵再右觀音洞爲上嶮出嶮有嘉遜庵嶮舊
名幽嵐一曰寶金山

帝京景物畧

桃葉口俗呼黃山店

燕都游覽志

般州山在縣西南四十里上有般州山寨

方輿紀要

山有二寨石室環列

涿州志

磨碑寺在縣西南四十五里

同上

獨樹村在縣西南五十里

縣志

房山縣西南五十里有舜廟

涿州志

隆陽宮在縣西南五十里

同上

白雲窩在縣西南五十里又五里斑竹寨有白雲寺

縣

白帶山在范陽縣北四十里

太平寰宇記

般州山西南十里為石經山山之東為石經洞

方輿紀

要

出獨樹村四里兩山對峙外隘內豁小溪中出石參差

如犬牙水觸石流淥淥有聲沿溪行十里有巨石數十

橫布如甲躡以渡登平岡以望峰巒不可勝數中一山

石火燄而草樹獨盛詢知為白帶山小西天之徑在焉

迤邐至山麓壁立似不可登徐望之有磴道直上及山

半有石室曰義飭廳唐乾符中僧藏寶所建折而東鑿

石為道廣不滿尺橫于山腹者一里折而北條石為階

凡九十九級級盡行百步復有階如前級差少折而南

有石堂南向方廣五丈曰石經堂堂有几案鑪竝之屬

皆以石為之下以石甃地使平壁皆嵌以石刻佛經字

頽趙松雪中四石柱柱上各雕佛像數百飾以金碧堂

之前石扉八可以啓閉外有露臺三面以石為闌設石

凡石床以爲游人憇息禪房庖湍皆因巖爲之堂左右石洞二右石洞三復有二洞在堂之下石經版分貯其中始隋沙門靜琬其徒道公等續之至遼統和金明昌間增刻前後納洞中石凡七百餘條有石幢記其目每洞以石爲牕櫺用鐵固之石本之近牕者可以闕見其左洞有靜琬貞觀八年碑記嵌于門上洞北有石池石并池廣七尺而深半之井北有泉自竇中出涓涓不絕又有石龍王像民禱雨則祀之古木蒼藤樛錯陰翳由泉竇之南緣小徑盤屈至山頂有五石臺臺上皆有白石小浮圖其甬二乃唐金仙公主所建餘無題識不可攷頂有巨石後廣前銳平出于虛空者數尺名曝經臺下至堂中左右見有碑十餘其高大者則唐元和四年幽

州節度使劉濟所建西偏下五里許有雲居寺亦靜琬所創墀中列唐人建石浮屠四皆勒碑其上其一開元十年助教梁高望書其一開元十五年太原王大悅書其建于景雲二年者則甯思道所書太極元年建者則王利貞書也寺僧言後院中石刻猶多在榛莽中或立或仆多唐時所刻

雙崖集

從孤山口支徑之小西天小西天者卽石經寺也寺在絕頂天然成洞洞藏石經其東西兩峪俱有寺若張翼然由寺至頂尙五里而遙無不因山爲徑矣山腰有亭又有石井上之爲洞者二又上之爲洞者二其東爲小洞者一祠火龍有泉濡縷出西折而上又爲洞者一再西爲大洞一卽石經堂也形方如矩平視如幔頂中奉

金身如來修丈餘跣而端立足踏石板下藏玉匣金瓶
貯舍利三顆東北壁上嵌法華石經一部西壁爲雜編
有白石柱以豎四隅若撐其頂洞之底復有二洞不可
測識總之七洞皆藏石經也石經板約方三四尺層累
相承自北齊至隋有沙門靜琬發願刻十二部經藏之
此山後其徒續成之歷唐宋遼金功始成其半焉

石倉文集

石經山峰巒秀拔儼若天竺因謂之小西天寺在雲表
僅通鳥道曰雲居寺迤南三里有石級長里許級盡東
折爲雷音殿四壁鐫梵語悉隋唐人所書復有洞七卽
知苑藏石刻處也

長安客話

幽州沙門知苑精練有學識隋大業中於幽州西山鑿

巖爲石室摩四壁以寫經又取方石別更摩寫藏諸室
內每一室滿卽以石塞門鎔鐵固之時煬帝幸涿郡內
史侍郎蕭瑀皇后弟也性篤信佛法以其事白后后施
絹千匹瑀施絹五百匹朝野聞之爭共捨施故苑得成
功苑常以役匠旣多道路奔奏欲於巖前造木佛堂并
食堂寢而念木瓦難辦忽一夜暴雨震電明且旣晴見
山下有大木松栢數千爲水漂積于道次道俗驚駭不
知來處苑乃使匠擇取其木餘分邑里邑里喜悅助造
堂宇頃之畢成苑所造石經已滿七室以貞觀十三年
卒弟子繼其功焉

真報記

智泉時僧靜琬見白帶山有石室遂發心書經十二部
刊石爲碑

隋圖經

石經貯于巖洞者七地穴者二洞以石門閉之穴以浮
圖鎮之自隋唐迄元碑碣森列洪武二十一年正月道
衍奉命往觀賦詩鐫于華巖堂之壁雖未足彰琬師之
幽光庶以紀茲行之歲月而托不朽也

逃虛子集

房山縣西南四十里有山曰白帶山生惲題草又曰惲
題山藏石經者千年矣故曰石經山亦曰小西天云北
齊南嶽慧思大師慮東土藏教有毀滅時發願刻石藏
闕封岩壑中坐下靜琬法師承師付囑自隋大業迄唐
貞觀大涅槃經成其夜山吼生香樹三十餘本六月水
浮大木千株至山下構雲居寺焉唐玄宗第八妹金仙
公主修之洪武二十六年又修之正統九年又修之山
上雷音洞高丈餘四壁刻經四柱刻像前石有扉維以

開閉几案瓶罇皆石臺有欄橫與堂亘堂左洞二右洞
三堂下洞二皆經唐迄元代有續刻經日列石幢人傳
洞火龍所穿也山下左右東峪寺西峪寺西峪寺後香
樹林香樹生處也夢堂庵唐夢堂師居處也林後琬公
塔也萬曆壬辰達觀和尚觀像設衰頽石版殘蝕率僧
芟除啓洞拜石經石下有穴藏石函一尺上刻大隋大
業十二年歲次丙子四月丁卯朔八日甲子於此函內
安置佛舍利三粒願住持永劫三十六字發跡得小金
瓶舍利狀黍米色紫紅師聞于慈聖太后迎入供養函
瓶以玉外函複之安置故處僧惲山撰雷音窟舍利記
刻之石山多石碑二隋一仁壽元年王臣疎碑一仁
壽元年王邵碑五唐碑一開元十年梁高望碑一開元

十五年王大悅碑一元和四年劉濟碑一景雲二年甯
思道碑一太極元年王利貞碑二遼碑一趙尊仁碑一
天慶八年沙門志才碑二元碑一至正元年賈志道碑
一至正二年釋法稹碑山半有庵日半山庵帝京景物
畧

按漢書地理志清河郡有惇題縣顏師古注
惇古涉字

姚廣孝題石經山詩峩峩石經山連峰吐金碧秀氣
鍾惇題勝槩擬西域竺墳五千卷華言百師譯琬公
懼變滅鍊筆寫蒼石片片青瑤光字字太古色功非
一代就用藉萬人力流傳鄙簡編堅固陋板刻深由
地穴藏高從岩洞積初疑神鬼工迺著造化迹延公

勝汲冢防虞猶孔壁不畏野火燎詎愁苔蘚蝕茲山
既無盡是法寧有極如何大業間得此至人出幽明
獲爾刊乾坤配其德大哉洪法心吾徒可爲則述盡
子集

薛蕙詩翠巘雙林合丹梯一徑懸洞門窺地底石室
與天連文字開龍藏金以布梵筵茲山實靈異吾欲
托栖禪西原集

蔣山卿詩金筵初布地玉宇舊藏經石室青霞護松
門白日扃洞衝多宿霧巖俯四垂星未厭探奇忌虛
疑入窅冥
南泠集

張循占登小西天石經寺作摩圍西望渺塵沙天竺
重開帝梵家十里雲盤蒼石磴千峰露濕白蓮花山

懸寶象次宜月洞鎖靈文夜有霞聞說叢林堪卓
願從初地轉三車嘉樹齋集

邕州石浮圖銘寧思道書景雲二年四月立又石浮圖
頌王利貞文太極元年四月立金石文字記

王利貞易州石亭府左果毅都尉薊縣田義起石浮
圖頌詳夫釋氏大慈能仁廣運一揮惠劍則結嶽峰
摧翬駕寶船則流海波息若延豐牛步坦香象登津
福祉反昭解行先備非功德修淨其有與于此乎浮
圖主石亭府果毅田公者孝乎惟孝忠為令德秉武
腰文遊仁踐義富潤石室積銅石保性里開榮足
知止尊崇法門福求無上奉為七代先亡見存太夫
人合家大小敬造石浮圖七級釋迦像二菩薩神王

等一鋪爾其索寶幽谷發琰崇巖異濟北之神期
河西之馬瑞歛焉構迴不可而成狀雀離之從天猶
多寶之湧地竝簷霧舉寶鐸風吟容如在神儀儼
若灵朝日以舒鑿爍幽宵以放光與寔日長懸同
定水之無竭贊歎功德而述頌云惟佛與佛法所皆
空前仁富智廣度多功有清信士產積豐崇檀波羅
密璇琰雕礪輪高擢露鐸迴吟風辟穆如在與天地
終福霑一切於何不隆和州歷陽丞王利貞文弟燕
州大雲寺僧智崇妹明度寺尼護念弟義冲陪戎副
尉上柱國弟義隆昭武校尉上柱國雍州興國府右
果毅都尉合家供養金貞石志

按包咸論語注孝乎維孝美大孝之辭今碑

文亦同此讀

雲居寺石浮屠銘梁高望書開元十年四月立金石文
字記

梁高望易州新安府折衝李公石浮屠之銘夫至道
潛運不言而化成大象孕靈不宰之功遂斯則神元
妙頤雖日用而莫知况耳目不該豈視聽之能識由
是給園多士並赴緇林方丈比丘咸歸柰苑有想非
想住法非常樂之宗色空卽空生滅豈菩提之果于
是清信士易州新安府折衝都尉李文安遊心正覺
妙達苦空知勞生之有涯設津梁于彼岸廼于范陽
縣西雲居寺爲亡妻河東郡君薛氏敬造石浮屠一
所旁求琬琰彫岫爲之獻琛遠召良工班輸以之呈

巧盤螭隱伏與雲峰而相交靈鳳將翔共陽鳥而
翼飛空七級狀多寶之移來騰虛四迴疑衆仙之涌
出兼以山含萬象地蘊靈奇蓮沼澄光似猴池之浴
日松枝引籟若祇樹之吟風衆妙難名約敷厥美冀
同拂石萬劫茲山銘曰麗哉弘璧出矣崑山磨礱不
日神儀婉然亭亭淨域峩峩給園光浮十界色照三
天衆妙功德莫惟斯重鏤鳳傍矯雕龍上聳買地有
巢福田無種利益潛通存歿偕奉易州府遂城縣書
助教梁高望書開元十年四月八日吉金貞石志

寺門右石浮屠銘太原王大悅撰并書立于開元十五
年二月燕都游覽志

王大悅石浮屠圖銘序畧建浮屠于門右者鄭氏字元

泰范陽人木易燼滅土亦塵散惟石之永瞻共有恒
緊法之堅念茲無替銘曰高塔峩峩示延邈囑多生
攘攘動善群觸茲設茲利無礙無疆其福豐衍其資
廣長彼石惟堅我性亦定永永不滅視以知正 吉金

貞石志

山頂石浮圖後記王守泰行書開元二十八年四月立
金石文字記

王守泰記山頂石浮圖後大唐開元十八年金仙長
公主爲奏聖上賜大唐新舊譯經四千餘卷充幽府
范陽縣爲石經本又奏范陽縣東南五十里上城村
趙襄子淀中麥田莊并果園一所及環山林麓東接
房南嶺南逼他山西止白帶山口北限大山分水界

並永充供給山門所用又委禪師元法歲歲通轉一
切上延寶曆永福慈王下引懷生同攀覺樹毋開元
二十八年庚辰歲朱明八日前莫州吏部常選王守
泰記送經京崇福寺沙門智昇檢校送經臨壇大德
沙門秀璋都檢校禪師沙門元云 吉金貞石志

涿鹿山石經堂記唐節度使劉濟撰元和四年立 燕都
游覽志

碑後有節度押衙銀青光祿大夫檢校國子祭酒兼監
察御史上柱國姚可矩弟攝歸順州叅軍可恭盧龍節
度駙使官可貞咸通十三年四月題名 國門近游錄
劉濟涿鹿山石經堂記我唐十有一葉皇帝繼明昭
宣光被四海神人以和逮今已丑歲凡五祀矣方隅

守臣樂其休明天地大德罔知攸報濟封內山川有
涿鹿山石經者始自北齊至隋沙門靜琬階層封雲
跡因發願造十二部石經至國朝貞觀五年涅槃經
成其夜山吼三聲生香樹三十餘本其年六月瀑水
浮大木數千株于山下遂構成雲居寺焉既而玄宗
開元聖文神武皇帝第八妹金仙長公主特加崇飾
遐爾之人增之如蟻術焉有爲之功莫此而大濟遂
以奉錢爲聖上刻造大般若經以今年四月功就親
與道俗齊會石經峰下飾等香積而法雲靄空會同
華嚴而花雨滿地金篆玉版燦如龍宮神光曜日宇
宙金色於是一口作念萬人齊力岩壑動鸞鳳翔或
推之或挽之以躋于上方緘于石室必使劫火燒而

彌固桑田變而不易或資聖壽壽願比于崇山緘于
石經經願延于沙界鴻祚景福聖壽無疆幕府衆君
子同稱讚之時元和四年四月八日記吉金貞石志
唐雲居寺主律大德神道碑銘瀋江棲夷子何籌撰盧
龍節度驅使官張景琮書并篆額咸通八年丁亥歲十
一月四日建國門近游錄

何籌律大德道行碑略大德諱真性涿郡范陽人元
和中廉察使相國彭城劉公墓其高行亟請臨壇暨
太和九祀方伯司徒史公之領戎也益傾南望之誠
兼陳北巷之敬奇香異藥上服名衣使命往來難可
稱計以其年季秋示寂於本寺東院上足仲說恒智
鑒直惠增志于文展寶定等七人感師之教焚棺於

碧岫之陽起塔於清流之左議刻貞珉紀其盛德俄屬先朝大興沙汰寺皆毀廢僧遁林岩洎佛法重興屢更星歲七人之內惟寶定存乃與寺主僧弘信再議崇立焉

吉金貞石志

按碑稱廉察使相國彭城劉公者節度使濟也其曰方伯司徒史公者留後元忠也

王正燕山雲居寺碑雲居寺東一里有高峰峰之上十餘步有九室室之內有經四百二十萬言本自靜琬始厥謀歷道暹諸公成其事佛宇經厨僧坊鐘閣材惟杞梓砌則琳琅古檜星羅流水環遶堤相望門闔洞開風俗以四月八日共慶佛生凡水之濱山之下不遠百里預饋供糧號爲美食先是庚午平寺

主謙諷和尚爲門徒時僕自皇后臺披褐來遊論難數宵以道相得自茲一別僕以職倅于瀛掌記于武定廉察于奉聖陟在憲臺遷在諫署佐茲邦計迨今十五年復會于茲寺和尚建庫堂一座五間六架厨房一座五間五架轉輪佛殿一座五間六架暖廳一座五間五架又化助前燕王侍中蘭陵公建講堂一座五間七架又化助公主建碑樓一座五間六架并諸腰座次建飯廊一十三間四架次又建東庫四間五架次建梵網經廊房八間四架次蓋後門屋一座餘有捨短從長加朱施粉周而復始不可殫論乙丑歲天順皇帝御宇之十五載丞相秦王統燕之四年泰階平格擇明八風草偃四海鏡清和尚慶此得時

懇求作記僕以謙諷等同德經營協力唱和結一千人之社一千人之心春不妨耕秋不廢穫立其信導其教無貧富後先無貴賤老少施有定例納有常期貯于庫司補茲寺缺寺不壞于平地經不墜于東峰稽首靈巖載銘貞石鹽鐵判官朝議郎行右補闕賜緋魚袋王正述前鄉貢進士鄭熙書

沙門智光重修雲居寺記應曆十四載寺主謙諷完葺一寺結邑千人請右補闕瑯琊王公正作碑頃因兵火遂至傷缺補闕子諸行宮都部署判官都官員外郎賜紫金魚袋教念先人遺跡出俸錢再修以釋智光乃考之執友也故命刊述勒之時睿德神畧應運啓化承天皇太后至德廣孝昭聖皇帝御極之二

十三年統和乙巳歲八月丁丑朔十一日丁亥記

按王正智光二記共勒一碑碑額篆書重修雲居寺一千人邑會之碑一稱結一千人之社一千人之心一稱完葺一寺結邑千人近年京城發地得仙露寺石函記後有千人邑三字尼曰邑頭尼覽者疑是地名合此碑觀之則知千人邑者社會之名爾天順皇帝者遼穆宗尊號丞相秦王者重元爲南京留守也遼史聖宗初卽位羣臣上尊號曰昭聖皇帝統和元年六月上尊號曰天輔皇帝五年四月上尊號曰至德廣孝昭聖天輔皇帝二

十四年十月上尊號曰至德廣孝昭聖天輔
皇帝今碑建於二十三年尊號無天輔字是
則二十四年十月以前聖宗尊號但云至德
廣孝昭聖皇帝如碑所記至二十四年乃合
元年尊號天輔字以稱之否則二十四年所
上之號與五年無異何用羣臣復上乎竊疑
史有誤也

沙門志才涿鹿山雲居寺續秘藏石經塔記曰古之
碑者用木爲之乃葬祭饗聘之際所植一大木而字
從石者取其堅久也秦漢已降凡有功德政事亦碑
之欲圖不朽易之以石雖失其本從來所尚不可廢
焉浮圖經教來自西國梵文貝葉此譯華言盡書竹

帛或邪見而毀淫或兵火而焚燹或時久而蝨爛孰
更印土求諸輿有隋沙門靜琬深慮此事厲志發願
於大業年中至涿鹿山以大藏經刻于貞珉藏諸山
竇大願不終而奄化門人道公儀公暹公洽公師資
相踵五代造經亦未滿師願至遼劉公泐師奏聞聖
宗皇帝賜普渡壇利錢續造次興宗皇帝賜錢又造
相國楊公遵勗梁公頴奏道宗皇帝賜錢造經四十
七帙通前上石共計一百八十七帙已厝東峯七石
室內見今大藏仍未及半有通理大師緇林拔秀名
實俱高教風一扇孳偃八絃其德餘業具載寶峰本
寺遺行碑中師於茲山寓宿有續造念興無緣慈爲
不請友至大安九年正月一日遂於茲寺放開戒壇

士庶道俗入山受戒巨以數知方盡暮春始得終罷
所獲錢施乃萬鏹付門人右街僧錄通慧圓照大師
善定校勘刻石石類印板背面俱用鐫經兩紙至大
安年錢已盡功且止碑四千八十片經四十四帙題
名目錄刻如左未知後代誰更繼之又有門人講經
沙門善銳念先遺風不能續扇經碑未藏或有殘壞
與定師共議募功至天慶七年於寺內西南隅穿地
爲穴道宗皇帝所辦石經大碑一百八十片通理大
師所辦石經小碑四千八十片皆藏瘞地穴之內上
築臺砌磚建塔一座刻文標記石經所在

釋德清涿州石經山雷音窟舍利記有明萬曆二十
年壬辰歲四月庚寅朔十有五日甲辰達觀可禪師

自五臺來送龍子歸潭柘聖母慈聖宣文明肅太后
聞之遣近臣陳儒趙斌等送齋供資五月十二日辛
未攜侍者道開法厲如奇如印等至石經山雷音窟
窟內有大業中靜琬石刻經所師見窟中像設攤蔽
石經薄蝕因命東雲居寺住持明亮芟刈之是日光
燭巖壑風雷動地翌日啓洞中拜石石下有穴穴藏
石函縱橫一尺面刻大隋大業十二年歲次丙子四
月丁卯朔八日甲子於此函內安置佛舍利三粒願
住特永劫計三十六字貯靈骨四五升狀如不甞異
香馥郁有銀函方寸許中盛小金函半寸許中貯小
金瓶如胡豆粒中安佛舍利三顆如粟米紫紅色如
金剛開侍者請至師所師歡喜禮贊既而走書付趙

贊以白內奏事徐上聞聖母皇太后太后欣然齋宿
三日六月朔已丑迎入慈寧宮供養三日乃于小金
函外加一玉函玉函外復加小金函方一寸許坐銀
函內以爲莊嚴出帑銀五十兩仍造大石函總包藏
之於八月二十日丁未復安置石穴命沙門德清記
其事 憨山文錄

萬曆中香樹庵以浮糧苦累日就淪落幾爲勢家所沒
慈聖皇后發帑金贖之而黃太史輝王太史肯堂復捐
奉錢相助遂復舊觀 燕都遊覽志

東峪西峪兩寺石經洞之左右翼也 同上

東峪寺門白楊成林風氣慘裂北臺如蓮花在水中
東臺亦奇特臺上石浮圖唐金仙公主所建五臺之外

環以巨嶂其石紋或類雨點或類卷雲 瀟碧堂集

從南臺而下山麓間有寺曰西峪寺東溪水澗可止丈
聲潺潺若風雨驟至 五臺僧皆穴處遊人不可留多憇
此寺 長安客話

杖引泉在縣西南六十里泉水湧出匯而成溪流經涿
州東頭入胡良河 方輿紀要

白犬村在縣西南七十里 縣志

文靖書院在房山縣西南七十里抱玉里元里人總管
趙密宣德府教授賈壤嘗從容城劉因游歸以其學教
鄉人乃建書院立祠祀之因以見其學之所從來元賜
額曰文靖書院國子祭酒蘇天爵爲記 寰宇通志

羊耳峪一名紅羊峪在縣西北十二里有大石高二丈

其形似象名象石 縣志

金諸帝陵在縣西北二十里雲峰山下 涿州志

金海陵煬王貞元三年三月乙卯命以大房山雲峰寺為山陵建行宮其麓五月乙卯命判太宗正事京等如上京奉遷太祖太宗梓宮丙寅如大房山營山陵六月乙未命左丞相僕散思恭太宗正丞胡拔魯如上京奉遷山陵七月辛酉如大房山八月壬午如大房山甲申啓土賜役夫人絹一匹九月己未如大房山丁卯上親迎梓宮于沙流河親射鷹以薦十月戊寅奠梓宮于東郊己卯梓宮至中都丁酉大房山行宮成名曰磐寧十一月乙巳朔梓宮發丕承殿戊申山陵禮成 金史海陵紀

正隆元年二月庚子謁山陵七月己酉命太保昂如上京奉遷於祖以下梓宮八月丁丑如大房山行視山陵十月乙酉葬始祖以下十帝于大房山閏月己亥朔山陵禮成 同上

世宗大定二十一年勅封山陵地大房山神為保陵公冊曰古之建邦設都必有名山大川以為形勝我國家既定鼎于燕西顧郊圻巍然大房秀拔渾厚雲雨之所出萬民之所瞻祖宗陵寢於是焉依仰惟岳鎮古有秩序禮載祀典矧茲大房禮可闕歟其爵號服章俾列于侯伯之上庶足以稱今遣官備物冊命神為保陵公申勅有司歲時奉祀其封域之內禁無得獲采弋獵著為令 金史禮志

大定二十九年置萬寧縣以奉山陵明昌二年更奉先縣金史

太祖葬睿陵太宗葬恭陵熙宗被弑葬于皇后裴滿氏墓中貞元三年改葬于大房山蓼香殿大定初追上謚號陵曰思陵二十八年改葬于峨眉谷仍號思陵海陵煬王葬于大房山鹿門谷諸王兆域中大定二十年降為庶人改葬于山陵西南四十里睿宗於大定二年改葬王大房山曰景陵顯宗於大定二十五年十一月葬大房山章宗卽位號曰裕陵世宗葬興陵章宗葬道陵同上

國初祖宗葬于護國林之東遼海陵徙燕令司天臺卜地得飛鄉縣西五十里大洪谷曰龍城寺峰巒秀出林

不隱也遂築陵遷葬于是惟熙宗葬于山陰大金國志

儲囀大房金源諸帝詩奉先西下亂山侵澗道廻旋

入暮林翁仲半存行殿跡莓苔盡蝕古碑陰秋山春

水風烟煥大定明昌德澤深卻是宜和解亡國穹廬

黃屋恐非心又長白山高朔漠連金源風烈故依然

千秋魂魄猶思沛萬里丘陵卻到燕感事重翻江祝

疏傷心莫問靖康年幽蘭一燼雄圖歇汝水悠悠入

墓田柴墟集

瑞雲宮在金太祖陵側遺址僅存涿州志

公村在縣北三十里廣陽水所出經廣陽故城與鹽溝

水合入桑乾河有胡良河自縣北來注之名勝志

黃山去縣三十里上有玉室洞天寰宇通志

黃山店口在縣北三十里又西六十里日大谷又三十里卽涿水縣北之乾河口也

方輿紀要

玉室洞天在縣西北七十里中有獨橋十八灘

縣志

穀積山在縣西北五十里峰巒突起如積穀然下有石洞名曰三學中可容千人

方輿紀要

六山河自黑龍關來東南入琉璃河上有半壁山壁立千仞石罅古栢蒙茸然長不盈二尺其西山半一小竇

曰辟穀洞峭絕不可上北為背陰洞對山望其東有正覺洞

北游紀方

朝陽洞有二形如連珠相隔約十尋俱疊石作坡繚以

短垣山勢甚峻從山腹轉而上洞西有巖曰朝陽巖石壁逾百仞橫亘里許巖麓溪水色綠如鴨頭產魚相美

同上

車營嶺小岡疊阜起復連綿居民以種杏為業環十數

里峯頭澗底皆是杏林又東一小峯有杏約三百株樹尤奇古高者三丈低者丈餘狀如垂柳繁花綴之亦木

林之變態也

同上

連泉山山巔有泉相連在縣北三十里

涿州志

白水寺俗名大佛寺在縣西北十二里上元遊人甚衆

縣志

防水出良鄉縣西北大防山南水南流逕羊頭阜下俗謂之羊頭溪

同上

大安山龍泉河出焉

各勝志

范陽盧文進少從軍身長八尺姿貌偉異之震燕薊與

莊宗屢戰獲勝一夕忽敗夜走馬墜澗中才及水一躍而出明日視之乃郡之黑龍潭絕岸高險深不可測文進知有神助已氣復振

玉壺清話

黑龍潭在縣北五十里元至正中京師大旱遣留守都事薩理彌實禱之大雨霑足

涿州志

歐陽原功叔建黑龍潭碑房山之大安山山之上有龍湫深不見底以勢度之下徹山趾世相傳有黑龍君居之至正十年歲庚寅夏五月至六月不雨銀青榮祿大夫中書平章政事榮公奉詔留鎮京師召京尹縣令等官徧走羣望又率僚屬詣在京名寺觀感禱焉雨不至平章入獄之歸家露香禱於庭左右口房山有黑龍潭禱雨輒應盡往叩之公遣留守司

都事薩理彌寔奉香幣行仍戒有司遣价貳玉虛宮十一代真人張公門徒明道洞微大師畢輔貴偕往既至輔貴等瀝平章公閔雨之誠於龍明口龍見靈異觀者喜曰雨之徵也既而大雷電以雨圻甸方數百里皆霑足槁苗盡起及秋五穀胥熟於是父老以龍君未有祠請作新廟以彰神庥輔貴願募眾財馮潭依山疊石築壇高二丈許廣可二百餘步因增為廟中作正殿三間東西屋如之外為神門設闌楯臨潭上中塑龍神像服飾如貴者儀旁列雷雨部諸神次及祀神之庖守祠之舍內外皆作始於十年之秋落成於十二年之冬費楮幣五萬三千緡有奇十四年夏六月京師又踰月不雨公復遣理彌實如前

將行致公之意以廟記屬某時某感者下利連日病不能興聞命強起而默禱曰龍君卽致甘澍以時苗當力疾以償諾責十三日壬寅往禱丙午大雨已酉又大雨自是雨大集是歲有秋都人每雨見風雲雷電皆起西南自房山來知爲龍君所致薩理實竣事還以喜雨告某疾亦稍甦乃記之曰天有三垣帝座所在諸星環之國有京城天子所居百神衛之房山密邇燕都多深山修谷實生神龍疏附奔奏居百神之先理之必然也且京師天下之本盛夏兼旬不雨舟漕不斃物賈日翔四方輻輳者憂之又旬日不雨饑饉疾疫將作居民憂之鬪訟盜賊滋蕃朝廷有司憂之一雨而百姓四方安故房山之龍能雨京師有

功於國甚大禮記祭法曰山林川谷丘陵能出雲爲風雨見怪物皆曰神有天下者祭百神諸侯在其地則祭之新廟之作於祭法爲宜或曰社壇而不字今廟焉以居龍何曰地載神氣神氣風霆風霆流形庶物露生社欲其露處以受生氣也龍者天之生氣能爲膏澤以生萬物者也其質爲陽陽動必靜靜以伏藏字以棲神固宜又曰肖龍像以人何曰龍有變化不測之神人而爲龍龍而爲人古今多有之異時褒崇之典請於大廷議於奉常爲侯爲公衣冠牲幣祀號祭式必視人爵廟也像也揆之事理皆宜平章公蒙古怯烈氏國初以來元勳世臣之胄其父祖子孫皆從昆弟丞相御史大夫接踵不絕於朝故其體國

也切其愛民也深其禱神也能竭其誠乃作迎享送
神詩俾工歌其辭以祀并刻之石辭曰龍胡爲兮山
之盤風氣固密兮岡巒稠繆龍奉命兮宅阻幽扈帝
室兮拱神州神州兮盛夏不雨相臣兮奉牲肥
兮醑香龍來歆兮不遑處大振電兮從懸冥雲飛繳
兮雨建瓴雨優渥兮年穀熟年穀熟兮神川足
足兮萬邦福龍盤桓兮此有屋龍歛起兮安之乘靈
和兮薄希懿風雨旗兮絕天河滂懸雲兮揚素波帝
日勞女兮復女居新廟翼翼兮山盤紆房之山兮雨
之府鼓坎坎兮巫屢舞澤我民兮萬萬古國有秋兮
食茲土 圭齋集

宣德十年五月天久不雨房山民言縣北七十里有龍

歷宋元以來禱雨輒應上命遣官祭之

李濂房山詩陰雲嫋嫋黑龍灣瑤草丹崖不可攀越

客漫誇天姥勝漁陽還有大房山 嵩清集

大安山在縣北八十里山高險薛居正曰大安幽州西
名山也 方輿紀要

劉仁恭倚燕強且遠無所憚意自滿從方士王若訥學
長年築館大安山掠子女克之又召浮屠與講法以董
士爲錢欽真錢穴山藏之殺匠滅口禁南方茶白顛山
爲茶號山曰大恩以邀利 屏書

仁恭幸世多故驕于言實築宮大安山選燕美女克其
中又與道士鍊丹藥冀可不死令燕人用堊土爲錢悉
歛銅錢鑿山而藏之已而殺其工以滅口後人皆不知

其處 五代史

仁恭慮幽州城不固築館于大安山曰此山四面懸絕

可以少制衆其棟宇莊嚴 于帝者 通鑑

仁恭有愛妾羅氏其子守光烝之仁恭怒笞守光逐之

梁開平元年遣李思安攻仁恭仁恭在大安山守光自

外將兵以入擊走思安乃自稱盧龍節度使遣李小喜

元行欽以兵攻大安山執仁恭而幽 五代史

統和十四年三月鑿大安山取劉守光所藏錢散諸五

計司 遼史

哥羅陀在房山縣境東有萬壽寺俗呼天台寺相傳寺

有老僧日誦佛萬聲以豆記其數久之每誦一聲豆輒

自躍過人目爲豆兒佛是時陳皇后浴于宮中澡豆忽

躍 心符有言及豆兒佛者迺出之 此寺焉 析津日

公龜哥羅陀詩一岡中斷水分流茅屋乘岩萬樹幽

宛轉桃花堪問訊莫教容易放漁舟 開次齋稿

張庸溫州人精太乙數順帝喜之擢秘書少監 王子

壺大撫軍院命庸團結房山諸寨既降庸守駱駝谷衆

潰庸無去志寨民李世傑執庸出降不屈被殺 元史

龍門臺去縣二百里上曰玉河臺四面皆山其下深澗

漢 有龍王祠 永字通志

口下舊聞卷三十終

京畿六
嘉靖三十六年修復殿工命侍郎張舜臣主事李健于
大石窩采石冬官私事
霍原少有志力叔父坐法當死原入訟獄代之楚青倍
加終免叔父年十八觀大學行禮因留學焉貴游子弟
聞而重之初原以賢良徵累下州郡以遺皆不到也王
隱晉書

日下舊聞卷二十補遺

京畿六

嘉靖三十六年修復殿工命侍郎張舜臣主事李健于
大石窩采石冬官私事

霍原少有志力叔父坐法當死原入訟獄代之楚青倍
加終免叔父年十八觀大學行禮因留學焉貴游子弟
聞而重之初原以賢良徵累下州郡以遺皆不到也王
隱晉書

劉因詩西山霍原宅古跡猶可稽重吟豆田謠愁雲
落崩崖知幾在明哲何事繼塵羈君觀括囊戒無盈
庶無虧靜修集
砦雙崖峭立澗流其中老樹千章瀑泉三疊注為龍

潭一禪宮一道院臨厓相望觀中有無名子題壁詩云
壁色壓潭黑林光漏日明傳聞老龍臥不敢濯吾纓不
知何年人作也

奧室記

自上方山麓折而西至北砦雙厓如門琳宮梵舍對峙
左右老樹欹斜交蔭礪谷寒葉盈尺人行款款有聲流
泉三疊鳴空山中注而爲池土人戒勿濯手濯則龍怒
雷電且至

竹垞文類

金主亮離燕京諸諸陵祭享其俗相傳謂之燒飯天

海陵集

淳熙十五年十二月癸酉課報金人制曰朕惟熙宗孝
成皇帝以武元嫡孫受文烈顧命作其卽位十有五年
偃兵息民中外安乂而海陵庶人亮包藏禍心覬覦神

聖陰煽姦黨遂成篡逆而又厚加誣詆降從王封亮既
得志肆其凶殘不道之極至于殺母人怨神怒自底誅
滅惟皇天眷佑于我家肆予一人纘承先緒暴其罪惡
貶爲庶人仍黜其殯于兆域之外仰惟熙宗號位宜正
是以間者稽合禮文升祔太室復加美諡享正崇之惟
是塋非其所蓋嘗撫然爰命有司卜地涓日奉遷梓宮
已於十月初八日備禮葬于思陵庶幾有以慰在天之
靈也大定二十八年十一月日熙宗卽亶也

思陵錄

昆田謹按此制金史失載

上方兜率寺後有蘋果園園中蘋果二株入秋結實
甚繁山僧不忍摘果旣熟暈青紅色絕可愛法華經妙
莊嚴王言如來唇色赤好如蘋果可謂善于喻物者

日下舊聞
矣韞光樓雜志

金太祖墓地號曰泰陵太宗所葬之墳山號曰豫陵神

樹鹿記
金太祖陵曰睿陵太宗陵曰恭陵後改葬大房山名仍其舊苗氏所紀特與史不同或者上初擬名也讀禮通考

金之先世卜葬于獲國林之南迨亮徙燕始置陵寢令司天臺于良鄉縣西五十餘里大紅山西大紅谷曰龍衝寺峯巒秀拔林木森密亮尋毀其寺遂遷祖父改葬于寺基之上又將正殿元位佛像鑿穴以奉安太祖太宗德宗其餘各隨昭穆序焉金圖經

高尚書彥敬西威人善畫青田白雲甚有遠致詩亦有

唐人意度有絕句云無限飛紅隨馬足春光可比昨人忙墳今在房山羊頭岡下鐵網珊瑚

高尚書畫在元時推為第一臨川危素贈詩云房山居士高使君系出西域才超羣河東張翥云老筆精神如米虎此山秀氣敵天台鄱陽周伯琦云西域才人西似詩雲山高下墨淋漓聞尚書有墓在羊頭岡故西巖姚庸詩有云月射羊岡玉樹林山齋猶在白雲深今土人已無知其處者查浦輯聞

水峒兒朱家山水峪山長嶺湯哥莊皆房山所部也產礦砂可化以為金嘉靖初邑人王宣請開季輪課三百六十金後以礦閉報罷癸未甲申之間礦砂復生居民群入山盜竊日至千斤大率砂一斤金不啻一錢也于

是房山人史藉等上書謂今方建慈寧宮萬壽宮山川
效靈產金請比故事效尺寸之利于國家詎兩臺問狀
涿州守王道定宛平令朱滾躬馳洞所見山勢險隘益
賊易藏議以為不便遂寢萬曆武功錄
范陽大房山燕之奧室也而幽嵐山尤深山有淨業寺
德園集

日下舊聞卷三十一

京畿七燕州

薊州在順天府東二百里明一統志

禹貢冀州之域春秋戰國屬燕秦於此置漁陽郡兩漢
因之太平寰宇記

安帝建光元年初置漁陽營兵後漢書

禰衡擊鼓作漁陽參槌蹋地來前躡馱足脚容態不常
鼓聲甚悲易衣畢復擊鼓參槌而去至今有漁陽參槌
自衡始也文士傳

晉為燕國及北平郡地後魏仍置漁陽郡隋初郡廢開
皇六年徙置元州于此立總管府大業初府廢改置漁
陽郡唐初郡廢屬幽州方輿紀要

開元十八年析幽州之漁陽三河玉田三縣置薊州取古薊門關以名州 太平寰宇記

天寶元年復爲漁陽郡就置靜塞軍乾元元年復爲薊州五代石晉割以賂遼遼號尚武軍金天輔五年議以其地遺宋宋宣和四年賜名廣川郡七年金復取其地仍名薊州屬中都 清類天文分野之書

盤安軍節度判官蒲察紇舍與雞澤縣令溫迪罕十方奴同守薊州衆潰而出紇舍十方奴死之詔贈紇舍金紫光祿大夫薊州刺史十方奴鎮國上將軍薊州刺史

仍命樹碑以時致祭 金史忠義傳

元屬大都路 清類天文分野之書

明仍爲薊州以州治漁陽縣省入 方輿紀要

州舊有土城洪武四年甃以甃石周圍九里十三步連女牆高三丈五尺爲堞二千四十一北倚山原南瀕沽水城門三各有樓東曰威遠南曰平津西曰拱極崇禎壬午城拆毀僅存基一半 薊州志

陸樹聲薊州重修城樓記畧薊州爲京輔要鎮左扼山海右控居庸背連古北距東西南各四百餘里而薊當其衝枕山帶河重關複阻適爲應接以翼蔽畿輔又其東則朝鮮朶顏貢使往來率道境上南通西河魏饒食玉田寶坻魚鹽之利雄甲他鎮故崇墉巨屏特設守備宿勁兵豐儲峙以顯城守城北阻岡不門惟東西南設三門上緣崇墉各建麗譙角樓弩穴分峙四隅中衢則建鼓樓屹立與三門等俯瞰闔關

足稱壯鉅歲久傾圮寢失舊觀臬司西平王君誥戶
曹固安段君鍊圖新理之經始於嘉靖二十六年六
月落成于二十八年七月 陸文定公集

沈遘題漁陽圖詩燕山自是漢家地北望分明掌股
間休作畫圖張屋壁空令壯士老朱顏 西谿集

白範薊門詩西來山盡處始見薊州城城拱三門峻
天廻一面平人烟多戍卒市語雜番聲回首松亭道

秋風幾日程 詩統
王世貞登薊州城樓作兀不妨蠟屐踞坐自側烏

紗鐵嶺高天一綫漁陽落日千家 弁州山人稿
州治在城東北仍遼金舊址元至正間達魯花赤拓而
更新之明初重建景泰三年芝產于堂後知州事姚恭

因扁曰靈芝堂成化間知州汪溥重修至崇禎壬午焚
燬 薊州志

漁陽廢縣卽今州治隋置漁陽縣唐初入幽州武后時
營州陷于契丹寄治漁陽神龍初縣改屬營州開元四
年復屬幽州十八年置薊州治焉 方輿紀要

漁陽本漢舊縣地理志漁陽郡管縣十二一曰漁陽以
北有漁水縣在漁北因曰漁陽 清類天文分野之書

鮑丘水從塞外來南過漁陽縣東又南過潞縣西又南
至雍奴縣北屈東入于海 水經

漁水出漁陽縣東南平地泉流西逕故縣城南今城在
斯水之陽漁陽之名當屬此秦發閭左戍漁陽卽是城
也 水經注

儒學在州治西北 薊州志

薊州有預備倉 四鎮三關志

廣福寺在州治北儒學之東 薊州志

獨樂寺在州治西南中有傑閣設大士象相傳盤山舍利塔神燈自塔而下先獨樂而後及諸佛刹云 同上

獨樂寺不知創自何代至遼時重修有翰林院學士承

旨劉成碑統和四年孟夏立石其文畧曰故尚父秦王

請談真大師入獨樂寺修觀音閣以統和二年冬十月

再建上下兩級東西五間南北八架大閣一所重塑十

一面觀世音菩薩像 盤山志

塔下寺在州治西南 薊州志

高承珽宿薊州塔下寺詩樹色漁陽少僧廊塔下開

爐中分佛火檻外卽香臺露草吟蟲苦風鈴怖鶴來

鷄蘇問遺砦覽古思徘徊 稽古堂集

薊州衛在州治東北洪武八年建鎮朔衛在薊州衛西

永樂中建又營州右屯衛本在大寧衛境永樂二年移

建州治北 方輿紀要

漁山在城西北三里高百餘丈周五里郡在此山之南

故曰漁陽水遶山下故曰漁水 圖經

靜安寺在漁山之西舊名醴泉院遼道宗賜額淨名寺

金大定間改今名 盤山志

避暑亭在州西北五里相傳金章宗避暑于此 寰宇通志

香林寺在薊州城北二里翁同鵝泉流峙左右薊亭之

勝槩也盤山志

鐵嶺在城北十里石色如鐵懸澗極深薊州志

洶水在州北四十里一名廣漢川發源黃崖口一支西南流經盤山之陰八平名爲洶河一支東南流經盤山之陽過三义口入寶坻縣之白龍港宋廣川郡之名以此方輿紀要

廣漢川俗名黃崖川薊州志

雄武城故廣漢川也唐書志注

安祿山築壘范陽城北號雄武城峙兵積穀唐書本傳

祿山歸范陽築雄武城外示禦寇內貯兵器養同羅及降奚契丹曳落河八千餘爲已子又畜單于護真戰馬數萬匹牛羊五萬餘頭安祿山事蹟

雄武城在州東北唐天寶六載安祿山築其後置軍使于此爲州境要地會昌二年回鶻部將那頡啜南趨雄武軍窺幽州節度使張仲武遣軍討之廣明初盧龍帥李可舉吐谷渾都督赫連鐸共討沙陀李克用分兵守朔州自將其衆拒可舉于雄武軍即此方輿紀要

杜甫漁陽詩漁陽突騎猶精銳赫赫雍王都節制猛將飄然恐後時本朝不入非高計祿山北築雄武城舊防敗走歸其營繫書請問燕耆舊今日何須十萬兵杜工部集

廣明元年七月李克用自雄武軍引兵還李可舉遣行軍司馬韓元紹邀之于藥兒嶺大破之又敗之于雄武軍之境通鑑

蘇兒嶺在雄武軍西通鑑注

五里鎮在州西五里宣德三年駕至五里鎮遂前行至石門驛是也方輿紀要

宣德三年九月上駐蹕薊州西五里橋進州官諭之曰此漢漁陽郡也昔張堪為政民有樂不可支之歌流傳至今古今人才不相遠爾曹勉之實錄

陽河在州西五里亦名五里河源出城西鵠已臺臺亦名紙坊山下流入于沽水水性暖遇寒不冰故曰陽河相去一里有涼泉水出地中方廣丈餘盛暑彌涼因名方輿紀要

獮平城在州西漢縣屬漁陽郡東漢因之服虔曰獮音鞏同上

獮平莽曰平獮漢書注

建安十年三郡烏丸攻鮮于輔于獮平八月公渡河救

獮平烏丸奔走出塞魏志太祖紀

縣入晉廢方輿紀要

鷄蘇砦在州西五代梁開平二年劉守文以滄州之衆并招契丹吐谷渾共討其弟守光戰于鷄蘇砦為守光所獲同上

遼會同九年九月閱諸道兵于漁陽西棗林淀遼史

元天曆元年九月脫脫木兒與遼東軍戰薊州之檀子山元史文宗紀

十月燕鐵木兒及陽翟王太平國王朶羅台等戰于檀子山之棗林唐其勢陷誅殺太平餘皆宵遁元史本傳

捏古刺領軍六百人迎敵通州會丞相燕鐵木兒至檀
子山與禿滿迭兒戰敗之同上

定慧寺在城西二十五里小盤山一名瓦茶寺今廢盤山志

法常寺在亂石莊西惟石幢古井在焉同上

盤山一名盤龍山在州西北二十五里高二千仞周百
餘里山北數峯林立如削曰紫蓋曰宿猿尤為奇特最
高者曰上盤頂有巨石以指搖之輒動上有二龍潭下
有潮井又有澤鉢泉稍下者曰中盤東行十餘里蔚然
深秀怪石突起曰白崑日暮山光嵐氣濛濛如雨上有
古寺山南有小嶺陡絕難行曰砂嶺高二三百餘仞周六
里泉水沿石竇下為沙河由流合五里河各勝志

漁陽西北之山本名四正古有田盤先生自齊而來棲
遲此山因名為盤山焉雲山集

盤山箕尾之巨鎮也深維地軸高逼天門暖碧凝霄寒
青壓海絕頂有龍池焉早歲能與雷雨巖下有潮井焉
旦暮不虧盈縮李仲宣祐唐寺碑

盤山南距滄溟西盡洵水東放碣石自遠望之層巒疊
嶂翠律排空真為雄勝圖經

盤山水出山上山峻嶮人跡罕交去山三十里望山上
水可高二十餘里素湍浩然頽波歷谿公流而下自西
北轉注于洵水竹書紀年惠成王十六年齊師及燕
戰于洵水齊師遜即水也水注

盤山外骨而中膚外骨故峭石危立望之若劍戟熊虎

之林中膚故果木繁而松之抉石罅出者嶮欹糾曲與石爭怒石之尤恠特者爲鯨甲石石平坦可布席容十百人羣崖飛瀑至此勢忽奔瀉聲如雷霆與松韻互答
長安客話

王衡遊盤山記畧盤山離京師百八十里晴至廣濟寺走大石澗中東厓有松題曰蒼龍折中盤中觀松從石罅出遶北而西爲環翠亭山松如屏一峯稍遠對松立者九華峯也穿蔡氏巷西折而陟北岡長城蜿蜒界山半如綫自中盤至上方踰百千折行者相望于石根木杪有相去數程而望不盈咫尺者度松棧而出有懸石亭更百尋至舍利塔則盤山絕頂也其西峯爲無梁殿下坂至法藏寺翠壁若展松陰滿崖

又數里雙峯塔下走旱麓爲百草窪東爲天城寺寺上三里李靖菴又二里舞劍臺東走爲東甘澗西折爲西甘澗又五里至仙師臺論盤山之勝松爲最泉次之峻則數上方舍利幽則數天城說者謂天窮于大漠故收靈鬱秀于此理或其然
縵山集

曹學佺游薊門記從三河行五十里至盤山之麓仰望其巔青紫迴異浮圖樹石溢于目前旣入山有長泉一道從峽壁飛下嚙石鳴漑漑不已壁上劖盤泉二字沿泉而上至中盤寺東折里許左右峯勢拱抱中有亭亭傍松天矯如龍石脊嶮礧飛走蹲伏坐臥負立樹多拳曲至地差衍松勢得少舒者上盤寺也負崖而岡夾以峻壁西有懸石亭其陰巖百仞

之上有石懸空勢壓亭表折而東北躡嶺以登嶺將
半有石若巨人^天而臥登嶺始見長城又上始見
塔山有三盤而此據其上塔前有小圓殿壘甃爲之
石倉文集

九華峯最麗寺曰千像天門開兩岩相揖厓懸壑絕必
縋而後可登燕山紀游

祐唐寺乾亨二年寺僧希悟重修於谿谷澗石上刻千
佛像一名千像寺有統和五年碑知薊州軍事判官文
林郎試秘書省校書郎李仲宣撰文沙門德麟書盤山

千像寺唐開元間寺也寺後半里一石縱二丈廣丈有
五尺一人推之則動衆人推則不動帝京景物畧

白岩寺延自唐貞觀中至遼天顯十一年復建金大定
中重修有元僧恆志碑記又有慶壽提點裕公塔銘盤

山志
純慧大師嬰足疾乃遯跡盤山敷課于白傘蓋每宴坐
誦持常有山神部從敬侍尋克痊復遂於重熙八年召
趙闕奉福寺石幢記

天香妙祥寺唐建有元時重修石碣盤山志

少林寺傳是晉魏兩所建舊名法興寺元時重修有沙
門圓玉碑記又有法興寺提點榮公塔銘沙門圓瑩撰
又少林寺住持威公塔銘沙門圓讓撰其南嶺上有菱
角石同上

紫蓋在盤山中央同上

盤山紫峯之下爽塏明秀號曰中盤時膺隆興崇奉道教棲霞長春真人應召來燕門下有棲雲子飛鳥擇地其徒張志格等搜及此山遂營卜築丙戌春請長春真人建醮因題其額曰棲雲觀雲山集

王志謹從長春真人北游燕薊徜徉乎盤山西澗之石龕草衣木石若將終身焉甘水仙源錄

姬翼字輔之高平人遇棲雲王真人執弟子禮賜名志真號知常子自是從游盤山所著詩文曰雲山集及周易直解道德經總章行于世同上

高承埏望盤山詩中盤雲氣下盤生紫蓋峯高晚獨

晴安得時平解塵組白松樹底飯黃精稽古堂集

黑塔峪唐志開禪師居此盤山志

報國寺元大德中重修寺前有黑龍池東有燕子石同上

感化寺有遼乾統七年碑漁陽南抃撰文沙門肅回書碑稱魏太和十九年無終縣民田氏營建唐太和咸通間道宗常實二師繼踵住持幽州主帥清河張公奏請丁朝因得賜額寺有金圓新和尚宰堵波記大定中沙門法詮撰同上

唐釋知宗盤山上方道宗大師遺行碑師諱道宗俗姓田唐千牛將軍賓庭之後元和九秋師年弱冠於燕庭金閣寺受戒禮志敬寺如琳為師後至永泰大師所與師契合謂師曰薊門舊里田盤靈山可構居師蒙指教驚喜難名太和二年屆盤山峯頂多

獸跡莫面人踪境類虎谿地蟠龍腹師止棲處如
在四禪栢茶半斤稻米數斗二年所食一半猶存皎
月銀河借為燈燭松風石溜指作笙簧息煩熖于塵
塗瑩戒珠于巖岫曾游絕岳墜地無傷山現蓮池龍
降香水猛虎每蹲于坐側巨蛇長遶于階前一上雲
嶺兩更歲華偶因樵采之夫始見住持之跡初傳鄉
里漸達州邦千里風聞四眾雲集方伯太尉相國清
河張公仲武遙瞻道德渴想音徽專飛簡章特有招
辟師以松蘿誓節雲水堅懷三十九年不下棲隱侍
中漣河張公允伸大闡釋風遠欽道行頻馳清奉累
降尺書命建豐碑以崇盛德於是沙門知宗撰文節
度新官梁知至書石咸通七年暮春之月師化緣時

畢說偈整衣悄然靈脫至咸通九年茶毘于靈壇獲
舍利數千塔于寺之東南隅 吉金貞石志

金上方感化寺故監寺澄方遺行碑銘大安七年釋志
隆立石 盤山志

元上方感化寺提點賢公長供記至正八年香山永安
寺僧福珪撰文本山住持海嶠立石 同上

僧福珪記幽州之分漁陽西北山曰田盤出乎雲表
山建十寺焉上方感化寺其一也至正甲申予應命
來住是山創建方丈四楹五間賢公提點與有力
公諱覺賢漁陽西花堠子峪人

盤山之石皆銳下而豐上故多飛動崖前有懸空石石
粘空而立青削到地 長安客話

盤山之巔有雲罩寺相傳爲寶積禪師卓錫地一名降龍菴東嶺有舍利塔中藏戒珠六十顆佛牙一具遼太康中釋惠源明成化中釋本源嘉靖中釋圓成萬曆中釋真開以次營葺並有碑記又有彌勒殿黃龍殿每歲除有神燈之異

盤山志

僧掩室開寶積頌山舍無塵分外清石榴花發透簾

明槐陰滿地日卓午夢覺流鶯時一聲

指月錄

僧愚谷兩頰依依楊柳欲藏鴉社後東風捲落花理策邀朋何處好山南山北看桑麻

同上

盤山異蹟有除夜佛燈燈出通州孤山塔上分爲數千百遠遶盤山諸寺至定光佛塔而止或曰塔中舍利光也

燕山紀游

黃龍祖師殿在盤山絕頂殿六角以象天圓地方每方各濶一丈通高二丈九尺層檐複拱皆以甄爲之建于正統十四年至成化間鑄鐘一重二千斤覆以樓

盤山志

謝榛登盤山絕頂謁黃龍祠作薊北來游第一山上連七十二禪關人行巨壑泉聲裊馬度層崖雲氣間石徑蕭蕭松吹冷萬折千迴臨絕頂鐘響時傳下界遙鳥飛不到諸天迴無勞漢使泛槎心揮手銀河能幾尋歷歷邊城紛蟻垤明明滄海一牛涔老僧笑指烟霞外此意沉冥誰與會風生平地本無因雲點太清猶是礙弔古踟躕空石堂黃龍西去杳茫茫珠林不見菩提影寶塔長會舍利光壁塵拂去獨留賦下

嶺回看迷曉霧放浪人間那復來月明夢繞盤山路
四溟山人集

王世貞登盤山詩禪主空祠恒岳回誰憐盤山抱燕
臺層巒不盡青天去亂瀑雄爭大壑來共指丹初安
薜荔還扶蠟屐破莓苔銀河只在微茫裏欲取寒杓
作酒杯弇州山人稿

歲繼光登盤山絕頂詩霜角一聲草木哀雲霞對起
石門開朔風邊酒不成醉落葉歸鴉無數來但使雕
戈銷殺氣未妨白髮老邊才勒名峯上吾誰與故李
將軍舞劍臺止止堂集

挂月峯在舍利塔之西又西爲茶子菴又西爲法藏寺
其南有松逢潭盤山志

王嘉謨盤山法藏寺詩折坂殿懸厓悠然縱鞍鞵
綿谷口雲飄墮白如練峯巒忽相冒奇石還驚眩大
者數十尋小或等冠弁峯巔有紺宇歷歷皆可見永
懷僧栖樂倍覺塵情倦稀逢采芝侶獨立幾回盼薊
丘集

青楊峪在法藏寺南上有清峯寺盤山志
雙峯寺唐貞觀十八年建同上

王嘉謨盤山雙峯寺詩遠眺翠微近雲木澹清淩石
華浮半空飛泉激流斷其陽饒怪石小大紛叅差萬
嶺鬱相錯孤雲停不移中峯構翠龕一一能仁祠山
僧衣蘿薜雜以松蘚皮導我磨蒼崖覽古生遐思薊
丘集

李靖舞劍臺石最堅不可鑿有唐李從簡來游數字刻焉字徑五寸帝京景物畧

天城寺一名福慶寺唐建盤山志

香水寺唐建有頭陀大師靈塔實行碑金正隆六年中都寶塔寺沙門知心撰善進書文曰師諱行及海東新羅常與人覽茲香水偶然挂錫砌石頭菴山精自竄拓靈源脉岩虎他之於廣明元年仲夏無疾而終門人惠趨等塑以真像塔而藏之其後塔龕盡圮恒淨等視之不忍重修巨塔表焉同上

瑞雲菴始建歲月莫攷金大安中重修西有朝陽洞歸雲洞同上

招提寺上人目為先師臺同上

金山寺唐光啟二年七月建有石碣存稱薊州大夫張公修造此寺又有國子祭酒張峒題詩勒石薊州大夫峒之仲孫也同上

遼會同二年二月獵于盤山統和七年十二月獵于薊州之南甸釣魚于曲水灤八年三月幸盤山諸寺獵西括折山遼史

金大定二十六年八月甲午秋獵九月庚子次薊州辛丑幸仙洞寺壬寅幸香林淨名二寺十月甲辰朔幸盤山上方寺因徧歷中盤天香感化諸寺金史

高適同呂員外酬田著作幕門軍西宿盤山秋夜作
積路天已秋邊城夜應永遙傳戎旅作已報關山冷
上將頓盤坂諸軍逼泉井綢繆闢外音慷慨幕中請

能使勲業高動令氛霧屏遠途能自致短步終難騁
羽翮時一看窮愁始三省人生感然諾同啻若形影
白髮知苦心陽春見佳境星河連塞終刁斗兼山靜
憶君霜露時使我空引領高常侍集

劉迎盤山招隱詩溪山不難買所費千金儲不如數
峯雲朝昏對吾廬交游豈無人轉盼傷離居不如吾
兄弟相應如笙竽左侯薊名族温温噐璠璣身雖市
朝寄心與功名踈伯也亦可人文華炳於菟風神聳
魁偉襟韵舍冲虛平生一片心緣塵不關渠相期有
幽事歲晚山林俱綵服照黃冠歡呼奉親輿大婦侍
巾悅中婦供庖厨諸孫戲膝前翩然鳳將雛朝采南
澗片暮漉西溪魚烟霞入杖履風月來牕疏觀竹上

巢雲禮佛登香爐紅龍雪浪湧白塔蒼烟孤冰絃寫
天籟茶甌泛雲腴快哉天下樂俯仰餘何須正恐老
太冲招隱昔所無山林長語

王衡游盤山詩塞北山河百二重太行雲氣入提封
泉爭亂壑時縈馬谷響虛巖半是松紫邏烟茈當九
月青天雷雨人雙龍朝來杖策中盤寺指點經行第
幾峯孤筇短笠乍低昂翠碧丹楓引興長片石倒懸
流水路斷厓剛掩薜蘿房諸天影裏沉西界斜月林
中見上方繞盡寒空不知路冥冥鐘磬遠相將緱山集

天曆元年九月遣撒敦拒遼東兵于薊州東沙流河
戰于薊州兩家店元史

沙河在城西二十五里源出盤山經沙嶺之麓東南會五里河入沽河薊州志

瀑水在城西二十五里出于石山之麓流經塔山之陰有泉自石竇出極清冷初夏或有水浮出薊州志

白澗在城西四十里發源于盤山西峪經沙流河水色澱碧上有白澗寺同上

安遠城在城西北唐末置安遠軍五代晉將周德威攻燕拔安遠軍薊州將成行言等降方輿紀要

甘泉山在州西北七十里一名石葵山同上山頂有大石狀類犬故名上有甘泉寺薊州志

薊州甘泉寺有蛇曰小青龍蛇之屬也與人馴狎時盤宿僧榻禱之能致雨燕山叢錄

翁司山一名空同山在薊州城北五里上有崔府君祠又呼府君山舊有日照寺寺有圓覆法師舍利塔金大

定九年進士孫設撰記甃塔之東其西又有小石碣列建塔居上沙門姓名盤山志

空同山相傳黃帝問道之所名勝志遵化南三十里亦有空桐世謂黃帝謁廣成在此非也

路史注

按岷州原州肅州汝州薊州贛州皆有空同山史黃帝本紀西至于空桐登鷄頭世以為

隴右之山無致疑者左傳哀公二十六年宋景公游于空澤卒于連中大尹與空澤之士千甲奉公自空桐入則汝州之山也山下有

廣成城廣成澤上有廣成觀宋宣和中汝守
林時請于朝建立說者謂襄城具茨壤地相
接疑軒皇問道當於此地然稽之爾雅北戴
斗極爲空桐空桐之人武司馬彪注莊子亦
云空桐當斗之山則空桐宜在北矣且問道
之方載于莊子其初往見廣成子謂帝不足
以語至道退而築特室席白茅閒居三月復
往要之廣成子南首而臥帝順下風膝行而
進當日帝邑于涿鹿之阿去薊甚邇故不難
復要之又寰宇記薊縣有笄頭山空桐笄頭
相去不遠而陳子昂薊丘覽古詩云尚想廣
成子遺跡白雲隈然則薊之空桐未可定其

非黃帝問道之

薊州邵權平衡於東門之外翁同山之下構一室命之
曰約齋吳文正公集

白馬泉在空同山下薊州志

州北之黃崖營州西之白馬泉鎮國莊州東之馬伸橋
夾林河州西之別山舖夾陰流河以至陰流淀皆可疏
渠爲田也屯政考

洪水城在州東北九十里唐所置守捉城也新唐書州
有洪水守捉又東北三十里卽鹽城守捉也方輿紀要
清池在城東十五里周一頃餘四山圍繞漱灑于中水
色如藍薊州志

別山在城東南三十里西臨沽水東據無終行旅所出

雖有山名而無高阜同上

漁陽縣東南七十里有北平城倚燕山為版築括地志

漢右北平郡治平岡或以為卽此城也方輿紀要

漁陽右北平故城漢將軍李廣為郡守出獵遇草中石

謂是伏虎引弓射之沒羽卽是此處隋圖經

醫無閭山碑在州城平津門外碑文洪武三年太祖御

製封醫無閭山神者輿地碑目

沽河在州南五里自陽河以西洶水以東諸水皆入焉

其下流經新開河至直沽達于海漕運溯流而上直抵

城南通典漁陽有鮑丘水又名潞水卽沽水矣後漢興

平二年幽州牧劉虞為公孫瓚所殺虞從事鮮于輔等

合兵攻瓚破瓚于鮑丘水是也方輿紀要

沽河在城南一名西潞水一名東潞水或曰在通州東

者曰西潞水在薊州南者曰東潞水下流皆合于寶坻

縣兼有鮑丘水之名建永濟橋于其上故又名永濟河

薊州舊志

國朝海運一十三衛管駕遮洋船於大名府衛河兌糧

由直沽海口開洋涉歷海道運至薊州以給軍費歲有

踈虞天順二年以大河衛百戶閔恭言命都督僉事宗

勝御史李敏工部主事李尚發軍夫萬餘開河自新開

沽起至薊州長四十里舟行無虞定例三年踈浚一次

漕河圖志

薊州官軍餉國初每歲用遮洋船由直沽出海轉運而

至風濤甚險天順二年發薊州等衛軍萬人鑿河四十

里自新開沽起直達薊州三年三月始事僅一十三日而工成水部備考

李賢新開運河記大河諸衛歲運三百六十餘艘直抵薊州爲倉而貯之以便支用往時由直沽循海道難免漂蕩覆溺之患天順改元巡狩薊州諸君深慮此患詢之父老云海濱有二沽一名水套一名新開沽相去纔十里可以開通以便運艘於是具陳其事上命右叅將都指揮僉事馬榮監察御史李敏工部主事李尚共蒞其事廼協謀相度起薊州寶坻軍夫萬人於是歲三月甲午始事丙午訖功人以爲成功之速必有神默相之遂建天妃宮於新河之左立石紀其事于旁古穰集

宣德九年六月築薊州之澱流黃蠟錫等處隄岸

實錄

翠雲寺在城南六里今廢薊州志

龍池河在州城南一名漁水源自州北盧兒嶺口流入

南合遵化縣之梨河經玉田縣入寶坻縣之白龍港成

化間西北盤山水發始合州境之沙河窩河及五里河

並入沽水方輿紀要

漁水西南入沽水又南與螺山之水合水出漁陽城南

小山魏氏土地記曰城南五里有螺山其水西南入沽

水水經注

螺山在州城東南四十里薊州志

螺山亦曰洪螺山又曰紅羅嶮長安客話

金大定二十九年十月獵次羅山金史

漁陽有平鹵渠傍海穿漕以避海難又其北漲水為溝以杜契丹皆神龍中滄州刺史姜師度開

唐書注

神龍二年滄州刺史姜師度於薊州之北漲水為溝以備契丹奚之入寇又約舊渠旁海穿漕號為平鹵渠以避海難通糧者至今賴焉

唐會要

司農卿姜師度明于川途善于溝洫嘗于薊北約魏帝舊渠傍海新創號曰平鹵渠以避海難餽運利焉時太

史令傅孝忠明于乾象京師為之語曰傅孝忠兩眼闕

天姜師度一心看地言其思穿鑿之利也

大唐新語

杜子美昔遊詩幽燕夙用武供公小勞哉吳門持棗帛

河海凌蓬萊後出塞云漁陽豪飲地擊鼓吹笙箏

轉遼海粳稻來東吳按唐會要開元二十七年李適為

幽州節度河北海運使唐書姜師度穿平鹵渠以避海

難蓋元之海運自崇明抵直沽唐時海運則自登州轉

而平州以達于薊故子美云然也

辛齋詩話

白龍港在州南七十里亦曰白龍江遶桃花山下洶河

沽河諸水皆匯焉入寶坻縣界亦名潮河以河通潮汐

也方輿紀要

漁陽有桃花山山頂有泉流遶山麓入洶河泉上有桃

花寺自此十里沽河草橋諸水匯焉

名勝志

桃花山去薊州南二舍今城東別有桃花山桃花寺寺

傍亦有泉遶山而下清淺可愛

長安客話

博陸城在州西南

方輿紀要

如木出北山山在僊奚縣故城東南東南流逕博陸故

城北又屈逕其城東世謂之平陸城非也漢武帝璽書封大司馬霍光為侯國文穎曰博大陸平取其嘉名而無其縣食邑北海河東薛瓚曰按漁陽有博陸城謂此也今居山之陽處平陸之上匝帶川流而據四水文氏所謂無縣有嘉美名也 水經注

日下舊聞卷三十一終

日下舊聞卷三十一補遺

京畿七

武德元年高開道陷漁陽郡有馬乘千匹眾且苦 舊唐書本

立為燕王都漁陽 舊唐書本

漁陽白檀寺幡刹日中有影月中無影不知何故因號

怯夜幡 雲仙散錄

張仲武少業左氏春秋擲筆為薊北雄武軍使 舊唐書本傳

薊州三十里至邦軍店三十五里至下店 松漠紀聞

昆冊謹按邦軍今志作邦均下店今志作夏

店

張永禎薊州道中作匹馬漁陽道休嗟行路難霜林

無定葉秋水有餘寒古塞斜陽下征鴻亂葦殘盤山
凝望裏烟外出層巒巖輔詩存

薛瑄游盤山寺詩高秋遊古寺俯仰思悠悠塵土禪

燈暗龍蛇畫壁幽草深埋石砌天濶北層丘欲問無

生滅寒泉日夜流敬軒集

方豪遊桃花寺詩聞說桃花寺征人與不禁桃花今

不見流水尚堪尋石徑穿雲曲僧房入樹深寂寥須

載酒緩坐聽秋禽棠陵集

無名氏薊州桃花寺題壁詩舊有桃花樹人傳寺故

云石危秋鷺上灘遠夜僧歸汲井連黃葉登臺散白

雲燒丹勾澗令無處不逢君列朝詩集

弘治癸丑薊州守臣奏閏五月既望辰巳之際本州忽

然晝晦天雷迅烈室廬撼動風勢狂猛瓦石皆飛電光
交掣紅紫奪目見空中雷神無數形狀不一顏色難辨
皆披甲冑各執兵械或劍斧鎚鑿或槍刀旗戟或纒綆
枷鎖攝人起空中移時復擲下其震死者身體手足分
裂異處凡九人又震牛十九頭亦皆身足分裂復拔去
舌又在地震死者人牛復有十數攝上而復擲下者八
九十人皆無恙皇天震怒誅譴慘烈州人戰栗駭隕不
知何以獲罪于天也治世餘聞錄

薊州舊有黎豁縣廢置皆未詳金史地理志

漢安帝延光四年秋七月乙丑漁陽城門樓災後漢書

五行志

宣和四年更漁陽縣名平盧宋史地理志

下

卷三十一補遺

廣濟寺在盤山之麓寺東一頻要果樹大可合抱居人云此樹歲可得錢二十千江南椅袖五十樹不能及也

三易齋藁

張弼舞劍臺送客詩舞劍臺前木葉飛蕭蕭涼思欲侵衣天涯萬里孤鴻遠且對黃花醉落暉

東海集

天興元年秋七月漁陽羣盜庫儻自韜聚黨為寇詔冠軍將軍王建討平之

魏書道武帝紀

盤山清明穀雨時萬壑青松十里紅杏天然圖畫此時煮茗磐石上看白雲聽流水相對忘言覺五千四十八卷殊饒舌也

四正山居志

馬宣建文初為都指揮守薊州靖難師起宣與鎮撫曾濬閉城堅守文皇遣將反復諭之不可張玉擁眾急攻

官率眾出戰陣歿濬亦死之

忠節錄

漁山多泉冬夏歎涸成湖上人因之開為稻田菰蒲荇藻宛似江南也

四正山居志

特漁陽有獨樂道院沙門圓新居之見盤山感化寺翠塔波記

黃圖雜志

盤山一名東五臺自來峰北臺也先師臺南臺也紫蓋峰中臺也九華峰東臺也舞劍臺西臺也眼甲石為下盤古中盤為中盤雲罩寺為上盤上盤之勝以松中盤以石下盤以水

四正山居志

青溝居盤之中群峰圍繞水匯于一逆流而西自天城寺水口出山

同上

元之栖雲觀本法興寺今之少林寺也

同上

盤山中盤法岷 亥子年間天兵始過罕有僧人甘泉
本無元和尚之嗣振公首居上方橡栗充食以度朝夕
全真之徒挾丘處機之力謀占中盤乃就振公假言借
任振公允之既居久遂規永宅王道政陳知觀等拆殿
宇毀佛像冒奏國母太后立碑額爲栖雲觀寺內古佛
舍利塏高二百尺及正殿三門一并拆毀至乙卯後上
方長老雲公忿其無禮碎其碑奏告今上皇帝又共那
摩大師少林雪庭福裕禪師朝覲蒙哥皇帝具陳其事
聖旨委付今上皇帝改正其弊仍爲僧院戊午年九月
初四日也 至元辨偽錄

唐郎肅甘泉普濟禪寺靈捨記故甘泉禪院大師諱
曉方蘇州常熟縣人師事五泄山靈熱大師慈悲以

濟物勇猛以化人橫身塞河決之波舉手正山嶺之
勢碎裂魔網高張法雲得岸拋舟不師文字上天燒
尾別創風雷方岳公侯連城守宰偃風渴道靡不皈
依百草滋甘露之芽三獸極淺源之渡皇哉魏乎則
置院之碑詳矣咸通十一年三月十日遷神於此山
報齡七十七僧夏五十八門人法順等肇建靈龕于
院西南百步盤龍山首焉咸通十二年歲次辛卯閏
八月盧龍節度衛前兵馬使前朝議郎試大司直
中山郎肅記 吉金貞石志

遼李仲宣祐唐講堂碑畧盤山舊有五寺祐唐其一
自昔有尊者挈杖遠至求植足之所僧室東
北隅巖下有澄泉恍惚之間見千僧洗鉢瞬息而泯

因茲構精舍厥後於谿谷澗石之面刻千佛之像以顯殊勝焉

南牀上方感化寺碑畧漁陽古郡之西北叢岫迤邐曰田盤山岡巒倚疊富有名寺而感化者夔太和十年無終縣民田氏茲焉營辦唐太和咸通間道宗常實二師前季後昆繼踵而至故碑遺像入迹具存法堂佛宇敞乎下禪寶經龕出乎上埜有良田百餘頃園有甘栗萬餘株緇屬三百無城郭乞食之勞斯爲計久之業矣

明張維新龍泉寺修造碑盤龍爲畿東大山蜿蜒以西又十里爲峭峪峭間夾兩崖有泉如練自東北折每春夏雲英英騰上頃刻徧山下視平谷茫如大海

人曰曰龍泉泉之北巉巖壁立空翠撲人左右諸峰皆相顧拱揖黃精赤茯苓植其間元至正中僧順公結庵其處入國朝百有餘年日漸榛莽成化己丑營州中屯衛指揮使景潭出金輿復草創而已僧悟興始建如來大殿於中左爲伽藍右爲祖師右東爲居僧之所震鐘枹鼓以樓以亭滂浴堂厨各有次第偉然一大叢林矣興之徒曰本寬本源源之徒曰真讓能承師志作大士殿于王山之巒建浮圖于案山之表龍泉寺遂甲薊州域內

王道正重修雲罩寺碑畧盤龍山峰巒之奇甲于京東山嶺有雲罩寺其來舊矣有埜曰舍利寶積禪師卓錫地也今上皇帝承聖母慈聖宣文明肅貞壽皇

太后慈命印施藏經特命乾清宮常侍尚膳監太監
呂公誠葺治之不日告成殿廡寮宇井井改觀
馮有經重修香林寺碑畧香林寺距漁陽約二里許
東則鐵嶺龍蟠西則漁山鳳翥北則巍峰直矗南則
平臯超忽蓋翺自漢繕於唐迨明正統嘗葺治焉日
月易邁殿宇漸頽董君懋修發重修之願遂邀同志
各有所施因基就制揆日鳩工經始于萬曆丙午之
二月落成于戊申之四月

米萬鍾重修塔院莊報恩寺碑城西北二十里盤山
之麓塔院莊有報恩寺東枕洵巖西通千像北控西
方庵號稱古刹不知其創自何年也正統四年修治
萬曆八年再新迄今三十年殿宇漸頽尼僧弘存募

金百兩補葺之

勺園藁

金釋圓照甘泉寺通和尚塔序略師諱行通俗姓張
氏雲中人天會間聞辦公倡法燕都叅示仰山大定
四年退居三河白塔次年擬上盤山道經甘泉眾請
師住未幾怡然而化塔在寺之正北高阜

元釋圓以盤山北少林寺威公禪師塔記略師之燕
居萬壽王藥藏是時盤山法興虛席師至新巢雲軒
因以巢雲自號宣政院使脫脫具奏朝廷有旨更法
興爲北少林禪寺

宋登春薊州詩桑柘兵殘後人家夕照中天秋沙雁
滅月冷寒樓空選將燕山北擒生遼海東城南餘戰
地燐火夜深紅鷺池生詩集

天啟癸亥七月薊州民楊禮家有母彘生子人面豕耳
額上一目頰下微有鬚身無毛四蹄類牛閩耕餘錄

各

四

凡

金

金

金

